

本國學基  
叢書烏

絲

詞



書叢本基學國

詞 絲 鳥

撰 崧 維 陸




行發館書印務商

烏絲詞一

清 陳維崧撰

序文 從文律閣本補

丙午之秋。余與陳子其年俱落第後。會黃山孫子無言。意欲以吾兩人詩餘。梓以行世者。嗟乎。余與陳子少志觀光。許身稷契。意謂有神筆。庶幾致君堯舜上。再使風俗淳。誰知蕭條瓠落。而與鶯嘴啄紅。燕尾點綠。爭長于鈎簾借月。染雲爲幌之間。豈吾兩人之志哉。陳子嘆曰。是亦何傷。丈夫處不得志。正當如柳郎中使十七八女郎。按紅牙拍板。歌揚柳岸。曉風殘月。以陶寫性情。吾將以秦七黃九。作萱草忘憂耳。雖然。昔裴休爲相。李羣玉能詩。薦授校書郎。而陳去非長于歌詞。亦爲高宗所眷注。孰謂詩詞一道。何嘗不得知己于天子宰相哉。彼尤尙書謂程正伯之文。每過于詩說者。以爲是。時當塗諸公。方



且以文章薦正伯。尤公之言。可謂識正伯之大者。但不知代往年。遂此事。可傳而復可見否耶。爲勸陳子生逢堯舜。垂翅青冥。此意宜付之悠悠曠土之胸。且暫往東臯。與汝石交辟疆。每得一好詞。如沈廉叔。陳君龍輩。付蓮鴿。蘋雲。品清謳。爲一笑樂。冬季歸陽羨。當復借紫雲相伴。又何減堯章。過垂虹橋。小紅低唱。我吹簫也。至于裁雲縫月之妙手。敲金戛玉之奇聲。驅遣齊梁。輿臺溫李。則又當世傳寫。織帕機房。不必待余揚挖矣。時窮冬凜冽。不亞改之。寒甚手顫時。陳子幸爲余沽酒。

小令

竹枝

粵東詞

番君廟後竹 枝鷓鴣飛。女。  
見素馨花落竹 枝蠻娘歸。女。  
兄

花田三月竹

投黎人多女

兒珠江無風竹

投春自波女

兒

羅浮人家竹

投紅蕉布女

兒誰裁郎衣竹

投儂所作女

兒

檳榔酒釀竹

投鬱林春女

兒鬱林兒女竹

投多絳脣女

兒

望江南

歲暮雜憶

思。江南憶。憶得上元時。人闌南唐金葉子。街飛北宋鬧蛾兒。此夜不勝

前題

堂。江南憶。最憶善和坊。猿臂醉擊劉白墮。鴛喉嬌唱小秦王。花月去堂

前題

江南憶。少小住長洲。夜火千家紅杏幙。春衫十里綠楊樓。頭白想重

遊。

前題

江南憶。白下最堪憐。東冶壁人新詠絕。南朝玉樹舊因緣。秋雨蔣山前。

前題

江南憶。懊惱是西湖。秋月春花錢又趙。青山綠水越連吳。往事只模糊。

前題

江南憶。更憶是蕪城。蘭葉寒塘盤馬路。梨花微雨築毬聲。風景逼清明。

前題

江南憶。憶殺到如今。白玉堂深人一笑。真珠簾暖夜千金。十載尚關

心。

前題、

江南憶。最好是清飲。一曲琵琶彈賀老。三更絃索響柔奴。此事豔東吳。

前題

江南憶。罨畫最風流。白屋山腰烟內市。紅闌水面雨中樓。樓上漾簾鉤。

前題

江南憶。不羨五侯鯖。狎客後堂春說餅。廚娘小閣夜嘗羹。哺飯足平生。

如夢令

贈友

烏絲詞一

記得西陵小弄。風裏金鞭雙控。今日又逢君。恰值春波微動。如夢。如夢。白髮何哉情重。

六

長相思

贈別楊枝

敲金卮。闌金卮。不是樽前抵死辭。今宵是別離。撚楊枝。問楊枝。花萼樓前跪地垂。休忘初種時。

相見懽

初夏行舟

睡餘獨自推篷。海陵東。一帶人家都住柳絲中。黃茆屋。清江曲。綠蕩翁。正是雨餘斜閣水車紅。

調笑令

第二體

詠古

空女耶



張家二女天人姿。西風秦隴吹空祠。吳興瘦沈美風調。邂逅  
一笑難爲持。客亭悄。恍嬋娟子。翠懷珠。斲去如馱。酒坐琴聲  
筇篻聲。姊妹雙雙落紅水。

紅水。啼難止。弄罷筇篻相顧起。女郎祠掩西風裏。繡幌明簾徙倚。蘭  
香姨與曾瓊姊。懷恨多年同此。

前題

卮人

湘中蛟姊號卮人。楚天冉冉紅羅巾。一鉤曉月浴橋下。風光  
冶麗偏相親。別來愁緒紛難理。鄂渚微波嬾上已。烟裙霧鬢  
鶯森茫。晝隴回首人千里。

千里。湘中水。江面微風翻繡被。輕別玉娥歸去矣。淚滴龍堂青綺。十  
年重憶蛟宮姊。愁絕楚天上已。

前題

芭奴

崔家女弟世所無。彈箏自命爲陸奴。重泉猶作人間曲。摧藏掩抑聲嗟吁。當時舊事心猶省。長秋一曲紅窗影。夢裏曾陪元舍人。銀箏淒苦人清冷。

清冷。虛無境。手撥銀箏心自省。長秋一曲紅窗影。絃裏分明悲哽。泉台不少人間景。後苑君王巡幸。

前題

安妃

九華安妃游玉鄉。交裙攜帶招帝郎。情纏雙好發明唱。紫清瑣掖排銀房。楊羲自是神仙子。不比人間許長史。左宮亦有王夫人。紅顏調笑掛瓊醴。

瓊醴。調芳旨。天上風流聊復爾。楊家自是神仙子。雙笑歡兼昔昔。一幅青書鸞鳳紙。爲授真妃靈紀。

前題

劉思華

通波亭畔風日清。會稽王子愁經行。中流佚女遺煙舫。波光  
臉態交盈盈。風吹裙帶紅絲纏。笙篔猷拍聲聲顫。西軒夜靜  
月又低。春條爲爾歌宛轉。

宛轉。羞相見。月白風清人婉變。洛靈羅襪來波面。良夜隨郎游衍。小  
婢篔猷歌又顫。徒倚春流都徧。

前題

蘇家娘子

西堂花苗儂好持。此間風月堪詠詩。溢奴小兒若冰雪。紫綬  
綠酒饒神姿。竟陵判司大懊惱。夜寒空館眠難好。翠簪膩滑  
促傳觴。口吃微聞喚鷺老。

鷺老頭腦好。善謹羣真堪絕倒。夜寒空館人聲悄。地下爲歡須早。南  
隣娘子翹翹小。共汎玻璃清醪。

前題

香芳公主

槐安貴主名瑤芳。穠春游戲搖鳴璫。相牽貪看石延舞。寺前  
暗調淳于郎。蘭摧玉折一何苦。青春又葬同昌土。淮南禪將  
憤酒悲。慟哭繁華歸無語。

無語。奈何許。憶在寺門魂暗與。布衣真尙瑤芳主。一霎日斜歸去。大  
槐安國飛紅雨。腸斷舊游何處。

點絳脣

阻風江口

濁浪堆空。暨陽城下風濤怒。冰車鐵柱。隱隱轟吳楚。獨眺君山且  
共春申語。愁如許。一杯酌汝。同看蛟龍舞。

詠枕

憶得年時。紅綿妝疊紅粧鬢。笙囊綠拵。濃笑釵痕閃。說盡山盟不  
料巫雲斂。殘荷嫩。斜鋪楚簟。多了啼紅點。

女冠子

本事

黃綺翦就。情上鴛鴦刺繡。鎖葳蕤。水綠青溪廟。花紅白石祠。惜惜  
春似夢。漠漠雨如絲。仙洞胡麻熟。有誰知。

又

始青天上。小織龍綃幾兩。路茫茫。度海雲鬟亂。還宮繡帶長。瓊枝  
春裊裊。金磬夜琅琅。撥盡天風曲。說興亡。

浣溪沙

贈王郎

十五吳兒澹額黃。鵝笙炙罷口脂香。依稀記是小王昌。未解寒簾  
通暗語。已能映柱溜迴腸。箇儂年紀未須防。

菩薩蠻

烏絲詞一

一一

題青谿遺事畫冊。同程邨。金粟。阮亭。文友賦。午遊

流蘇小揭人初起。博山烟裊屏風裏。紅日映簾衣。梁間玉翦飛。  
迴眸驚瞥見。笑倚中門扇。准擬嫁文鶯。燈花昨夜雙。

前題 弈棋

象牙局上金星吐。香閨戲博紅鸚嘴。深院對挑棋。厭厭春晝遲。  
娘輸籠玉手。伴靠紗窗口。細撚柳綿兒。花冠報午時。

前題 我輩

銀河斜墜光如雪。碧虛淺浸天邊月。月色太嫵媚。行來剛並肩。  
闌干渾倚倦。小漾裙花茜。風細語難聞。亭亭雙壁人。

前題 送黃

後堂恰與中門近。當時日傍飛蟬鬢。猶記捉迷藏。水晶庭院涼。  
侍兒前後遞。何計將他綰。匿笑顛花枝。鞋尖露一絲。

前題 續琴

迴廊碧發芭蕉葉。鴨爐瑞腦薰猶熱。春筍抱琴彈。一行金雁寒。聲鬆寶串。彈到昭君怨。促柱鼓簾湘。風吹羅帶長。聲

前題 讀書

秦淮水閣多斑竹。平康院院燒燈讀。竹響似行人。檀郎迴顧頻。恰逢紅粉面。送茗來瓊扇。剛是早回頭。夜深儂睡休。

前題 潛窺

梨花簌簌飛紅雪。狸奴夜撲氈能月。物也解雄雌。教奴恣意窺。潛蹤殊未慣。猛被蕭郎看。羞走暈春潮。門邊落翠翹。

前題 被戲

梯笙小擁樓東玉。紅粧濃暱春鬢綠。寶篆鎮垂垂。珊瑚鉤響時。花陰搖屈戌。小妹潛偷覷。故意繡屏中。剔他銀燭紅。

江行

東風吹綠江南道。行人都說江南好。紅豆雨三枝。低垂聖女祠。綠波明似眼。來往人何限。斜日運租船。西風跛脚眠。

前題

江流只向台城打。闕江樓上人非也。對此正茫茫。烟波空斷腸。布帆搖鐵鹿。碾破長江綠。回首望台城。依稀橫吹聲。

卜算子

阻閘瓜步

風急楚天秋。日落吳山暮。烏柏紅梨樹樹霜。船在霜中住。極日落帆亭。側聽催船鼓。聞道長江日夜流。何不流儂去。

減字木蘭花

秋雨過紅板橋



當年此地。銷魂人記銷魂事。妙舞清飮。不是柔奴定態奴。  
西風古道。二十年來人漸老。漠漠迢迢。秋雨重經紅板橋。

渡江宿弟斐玉家

江南江北。握手相看那易得。今夜重逢。翠簾黃花伴燭紅。  
浮杯大嚼。顧我何如家弟樂。車馬湖邊。明日西風絕可憐。

廣陵旅邸送三弟緯雲南歸

佛狸城下。兄弟禪房通夜話。紅土山頭。兄往吳陵弟亳州。  
一鞭春暮。重過竹西三日住。江上斜暉。弟作歸人兄未歸。

又送四弟子萬

前年飛絮。我到故園君已去。今歲青山。君又南行我未還。  
吳雲鄧樹。淚洒臨歧無一語。再唱離歌。六幅蒲帆奈汝何。

又送五弟阿龍

阿龍最小。失母隨兄偏了了。四歲離鄉。今日重逢斷我腸。  
阮家姑  
母。猶子情深思汝久。此去相依。莫以懷吾淚濕衣。

歲暮燈下作家書竟。再繫數詞楮尾。

天涯飄泊。湖雨湘煙無定著。暗數從前。汝嫁黔婁二十年。  
當時兩  
小。樂衛人誇門第好。零落而今。累汝荆釵伴葉砧。

前題

余年二十。粗曉讀書兼射獵。三十蹉跎。鼓瑟吹簫奈若何。  
堪憐阿  
堵。垂老詎曾親識汝。薄水東西。何用男兒意氣爲。

前題

今年離別。石畔梅花開似雪。駿馬馳坡。又見流光換碧羅。  
歸鞍暫  
息。看汝機邊還作織。秋月當頭。重附租船江岸遊。

前題

地名破冢。郭璞墓前波痕洶。細剔銀缸。話盡秋宵角枕涼。  
橘紅橙  
綠。九月敬亭山畔宿。水鳥斜飛。又逐孤篷一夜歸。

前題

曲阿湖上。重看穀紋平似掌。及到邗溝。絲雨斜風水驛愁。  
敗荷衰  
柳。且買高郵紅玉酒。羣盜如毛。月黑隣船響箭刀。

前題

吳霜點鬢。客况文情都落盡。檢點行裝。淚滴珍珠盞滿箱。  
并州會  
到。也擬開懷還一笑。塵務相牽。執手雲郎送上船。

前題

客航風雨。冷雁濕猿齊夜語。欲作家書。腹轉車輪一字無。  
經年如  
此。愁裏光陰能有幾。預報歸期。又在梅開似雪時。

柳含烟

本意

靈和柳弄晴春。輕點江南綠水。東風陌上又河邊。得人憐。  
亂搭瓊樓絲一把。故與玉郎牽惹。而今香絮凌斜暉。幾時歸。

好事近

坐姜家墩懷呂黍字

閒坐竹林邊。綠暗暮禽啁晰。歧腳科頭笑傲。更主人投轄。  
萬竿叢篠晝陰陰。風動聲敲戛。憶昔悲歌痛飲。有疎狂呂入。

荊州亭

題扇上琵琶行圖

苦竹黃蘆想像。溢瀟得陽招悵。半幅小丹青。畫出東船西舫。  
白傅青衫已往。商婦琵琶猶響。無限斷腸聲。只在行間紙上。

眉峯碧

春夜見新月

寶馬縈簾押。金斗薰珠袷。一團醉玉怯春寒。斜向紅裯壓。無語拋  
銀甲。且自偎香鴨。半鈎纖月柳梢頭。問誰偷把青天搯。

武陵春

舟次虎丘

四面吳山爭窈窕。濃綠罨歸舟。寺外人家橋上樓。春水盡情流。主  
簿祠前斜日漾。惹起舊時愁。石上苔痕青未休。曾做少年游。

阮郎歸

爲靈巒題畫

吳綾一幅滑如脂。江南好畫師。長松幾樹碧離離。斜添斑竹枝。烟  
似水。雨如絲。梅花簾外垂。更題半闕斷腸詞。樊川杜牧之。

桃源憶故人

人日感舊

畫簾垂處春光亂。百感最難消遣。記得風斜彩燕。小立珍珠院。歲華又到粘雞宴。砌下春蘭尙淺。人日春人不見。日近人兒遠。

春日過澹生較書所居舊址

酒闌曾過平康宿。風颭繡簾數鼓。紅板橋連西曲。微雨櫻桃熟。而今風景傷春目。不見沿溪花竹。薺麥平疇搖綠。蛟蝶和烟逐。

攤破浣溪紗

雨泊秦郵

十頃孟湖碧似烟。四圍蒲稗水連天。渚鳥羣飛聲格格。戲長川。獨對烟波思往事。那堪風物又殘年。且貰秦郵城下酒。撥湘絃。

冬閨

綺疏六扇掩玻璃。花影罨眉漾袿衣。學綰翻荷新樣髻。日將西。有

恨籌前銀燭。睡無情。等上鈿蟬啼。獨對水仙花絮語。太悽迷。

朝中措

平山堂懷古用歐公原韻。

我來弔古傍隋宮。板渚雨濛濛。依舊平山堂外。淡烟疎柳長空。  
年此。地漫天榆莢。著地東風。太息韶華幾換。游人猶想仙翁。

海棠春

閨詞和阮亭原韻

曉社

春閨金麥微微響。青鳳脛。輕移銀網。睡眼恰初睜。一片紅酥漾。  
隣。姪眉黛。遙山樣。怪昨日。邀儂相賞。遮莫綉簾前。有箇人張敞。

前題

午暉

惺忪春夢何時足。拚晝揜。銀屏六曲。繡倦歇鴛針。藏在沈香櫛。  
藕。花衾壓。挑花肉。微睡醒。低呼小玉。何處弄琮琤。似裏簾湘竹。

前題 曉俗

韓馮啄破鞦韆影。瓊扇裏、春醒初醒。半晌卸金蟲。小試蘭湯冷。後  
堂憎殺青銅鏡。怕照見、雲鬟未整。莫道少人窺。天上堆金餅。

前題 夜坐

紅裝枕上啼紅雨。且坐聽、玫瑰雙杵。纖手剔蘭煤。樓外賓鴻語。馬  
蹄連夜堂堂去。偏無賴、三更謠鼓。難捉是蕭郎。不似牀頭塵。

題美女圖。爲閨人稱壽。

智瓊年小逢珍偶。多少事、燈前酒後。夜合自開花。搖動珠簾口。檀  
奴笑覓南朝手。圖倩女、爲娘稱壽。一笑溜橫波。媚靨紅於酒。

眼兒嬌

過城南小曲感舊

青樓斜拂小春池。池上綠楊枝。態奴歌管。念奴絃索。唱盡新詞。重



來行過章臺弄。往事少人知。半闌碧浪。滿園斑竹。萬種淒其。

三字令

閨情

紅粧枕。卓金車。兩相於。酒醒後。夢來初。挽郎袂。郎欲去。且徐徐。煩  
塞馬。情江魚。寄他書。休信宿。莫躊躇。錦雞城。金雁驛。是郎居。

極相思

夜飲友人所。阿雲待余不至。留詞而去。歸後和之。

如塵如夢如絲。脈脈意誰知。歸來恨晚。休搖屈戌。慢叩翠窠。一陣  
碧虛窗外雨。三通鼓。人去多時。空留彩句。蜜花箋淡。鳳脰燈欹。

河濱神

題秦郵露筋祠

湖上水連天。湖光捲盡寒煙。玉娥一去幾千年。盡日凝妝儼然。漠

暮雨絲飄碧瓦。人在女郎祠下。一樹紅梨開謝。明朝又是春社。

西江月

詠史

姊嫁獅兒孫策。妹歸顧曲周瑜。雀台高處瞰三吳。羨爾清歌妙舞。  
一塋江東人物。孝廉枉逞雄圖。朱桓前拊大王鬚。文有才高子布。

過投金纈懷古

有女江頭擊絮。何人道上吹簫。我來弔古悵文律問本作悵空祠。曠望幾重雲  
水。覆楚爭誇伍相。沼吳又說西施。淮陰往事亦如斯。成敗皆由女  
子。

題六合孫公樹捧書圖

公樹伯觀先生孫。先生官舍人。冊書最多。

李白開元供奉。當年恩禮偏隆。賜書稠疊出深宮。玉軸牙籤鄭重。  
絕妙文孫才調。翩翩王謝門風。捧來亂帙悉當胸。月落華清如夢。

少年游

感舊和柳屯田

奉誠園內小斜橋。曾記近花朝。簸錢庭院。桑榆天氣。春草綠裙腰。  
而今不道。心情換。飄泊墮江皋。眼底人疎。心頭事滿。斜凭木蘭橈。

偷聲木蘭花

懷戴无忞客成都

前年建業秋將暮。今歲蠶叢春又去。別後思君。望盡南天不見雲。  
竹郎祠畔紅棉好。濯錦江頭紅鯉少。湘雨巴煙。不寄成都十樣箋。

茶瓶兒

咏茗

綠罽茗溪顧渚。拍茶婦。繡裙如雨。攜香茗。輕盈笑語。記得鮑娘一賦。  
邀陸羽。煎花乳。紅闌日暮。玉山半醉。綰幃護。且消酪奴佳趣。

鮑令暉  
有香茗

賦。

憶秦娥

夢至石城盤馬。覺後賦此。

桃花埽。依稀醉犯青溪雪。青溪雪。草頭一點。玉聽明滅。驃騎前  
人欲別。錦衣倉後鐘初絕。鐘初絕。一場春夢。曉鶯時節。

憶餘杭

東皋客舍待毛亦史不至

一樹梅花千頃碧。耐盡春寒眠不得。閒愁如雨雨如愁。點點在心頭。  
飄零心事誰知道。又是天涯寒食到。春江盡處是婁江。目斷水雲  
鄉。

醉花陰

重陽和漱玉韻

滿院黃花趁白晝。絲雨篩銅獸。今夜是重陽。不捲珍珠。陣陣西風透。  
一從秋怨關心後。淚蹙輕羅袖。生怕小樓寒。漫去登高。坐到爐煙瘦。

雨中花

雨中看桃花

絲絲香雨催儂去。依依人柳留儂住。住也無聊。去還有限。去住渾無據。  
今歲桃花千百樹。去年人面應非故。萬點胭脂。一行清淚。總是消魂處。

雨中花 第二體

咏薰籠

一架紅簷涼似水。相偎靠。玲瓏莫比。斑竹無塵。疎篁偏瘦。小鴨中間睡。  
縱向形容多轉徙。也只在。簾前被底。繡幔縈時。錦鞋閣處。往事

難提起。

杏花天

咏眞茶

穠香冷葉朱門裏。弄東風、紅粧初試。殘鶯天氣香綿墜。招恨最宜著此。見多少、江南桃李。斜陽外、翩翩自喜。異鄉花弄傷心死。目斷昆明萬里。

鷓鴣天

贈吳中狎客

白帽紅靴態可憐。短簫橫笛興翩翩。曾教錦瑟房中曲。慣請朱門繡上田。人似月。夜如年。何須彩筆賦甘泉。朝來蠟淚堆紅雨。猶擁盧兒醉意錢。

秋日撥悶作

一派涼秋似鏡湖。西風蕭瑟雁腳蘆。樓頭竹暗晴難妥。枕底橙香酒  
易酥。傷老大。笑尋漣。霜紅露白轉躊躇。鰾魚苦筭攔街賤。不見鉗  
奴并態奴。

摘紅英

詠落花

真珠絡。倉琅鑰。如塵似夢連天落。香車暝。朱闌凭。留他不住。喚他不  
應。花前約。春前諾。玉娥含淚思量著。粘屏釘。鋪鴛徑。憎他蕩子。憐  
他薄命。

南鄉子

詠春蘭

三月玉銜寒。錦雨絲絲不肯乾。飄得賣花聲到了。春蘭。一種清芬勝  
麝檀。對此憶家山。手折紅荳不忍看。還記那年寒食夜。幽歡。人在

花香鬢影間。

玉樓春

生日邀陸景宣。崔不雕。飲廣陵酒家。醉後題壁。

天涯作客傷心極。廣陵花月無消息。百錢且上酒家樓。終當埋我陶家側。此兒自是難衣食。相逢幸是曾相識。左呼陸厥右崔駟。四十年余竟得。

虞美人

渡江

白蘋花盡凋寒玉。舴艋搖空綠。秋潮恰比簾紋平。趁此日斜風細剪江行。最憐黃歇墳頭土。多少今和古。年來生怕說興亡。笑指楚天新雁兩三行。

咏鏡



香奩涼鑑蟠金獸。背壓蛟螭鈕。玉人偏妒小菱花。慣是團圓兩字不如他。翠鸞莫道心如鐵。春筍曾提掣。紅塵流處奈他何。我亦受人憐惜爲人磨。

夜行船

月下泛舟水繪園。同冒巢民先生賦。

蘭橈輕點春流碧。蕙垂楊、絲絲無力。百頃簞紋。一泓香黛。人在短篷吹笛。更愛月華波上白。影娥池水禽飛拍。醉吸玉鱗。狂呼霜兔。可認騎鯨仙客。

醉落魄

春夜微雪

春閨日暮。輕寒已著櫻桃樹。博山小篆飄香縷。斜掩青樓。一陣銷魂雨。夜深呵雪偏難住。金尊小泛蘭陵醕。酒紅漸入香肌去。懶剔金

荷。細對菱花語。

踏莎行

次舟河橋

橋字從胡海樓詞集補

別酒纔醒。離程乍遠。蘭橈斜閣煙中飯。霜華昨夜濕銀箏。夜深記有人低喚。腸斷難禁。魂銷何限。隣舟商婦等聲換。一分明月照河橋。橋頭船裏愁千萬。

咏帳鉤

玉色無痕。粉光發冱。一生管住春風罅。紗櫺凝望碧如煙。憐伊蕩漾何曾挂。顫處輕盈。控來低亞。疏蘇絡在銀毳下。月明風細漸琮琤。依稀似說春宵話。

虞美人

第二體

春夜舟行

紅泉碧杜殊清麗。白舫紗窗閑。春江人在鏡中行。船樓鳳脰一枝橫。  
夢難成。漁蠻踏浪尋村酒。爛醉歌銅斗。蝦籠灣口賽黃牛。三更珠  
露濕船頭。似清秋。蝦籠灣  
羨水名

七娘子

春閨

紅藥斜照人無語。圓冰對漾春無緒。陌上鶯啼。梁間燕乳。夢中怕到  
銷魂處。小樓春色留難住。斜橋春水流將去。二月時光。一年節序。  
水晶簾外廉纖雨。



烏絲詞二

中調

臨江仙

偶作

憶在冷城公膝下。圍棋年少知名。石頭兒女本輕盈。象牀春縱博。珠  
袷夜彈箏。倏忽過江門第換。中原飛渡羣僮。吳霜點鬢不勝情。案  
頭無鬼論。肘後淨名經。

酬贈崇川陶月蟾

四十男兒方墜地。家聲列戟風流。翩翩挾彈少年游。兄居長樂尉。主  
尙富平侯。詎料蹉跎空老大。逢君楚尾吳頭。酒闌話向北風愁。無  
家徐僕射。有淚白江州。

蝶戀花

紀豔遊人

劉氏三娘雙姊妹。生小繁華。家住雞鳴埭。梵宇闌干花影碎。妝樓恰與春波對。兩小後堂曾博塞。阿母簾前。此日教重會。傳語翻風空至再。蟬釵只靠秋千背。

前題 促坐

簾外桐花閒弄影。不便相辭。悄語傳聲請。猶自眉峯煙不定。避人奩內添宮餅。說道今宵天色冷。且有留停。莫撼鴉兒醒。珠斗爛斑斜又整。人間第一消魂景。

前題 闌葉

闌葉千歲。俗名馬甲角。

犀蒜銀釘紅玉榻。小小簾櫳。不與金堂接。闌草又慵彈阮法。邀郎今

夜拋金葉。百子枝花香粉灑。郎是樵家。好把豪犀厭。音葉小負紅潮

生兩頰。給郎博進惟榆笑。百子枝花俱葉子名。門葉有粘須用一物厭之。

前題 跳索

其歲。兩人纏絲繩於樹下。曳挂如飛。一人距躍於白光中。吳俗謂之跳百索。

涼夜金街天似洗。打疊銀篝。薰透吳綾被。作劇消愁何計是。鬢絲扶  
定相思子。對漾紅繩低復起。明月光中。亂捲蕭湘水。匿笑佳人聲  
不止。檀奴小絆花陰裏。

前題 擊鼓

梔子簾前掛鵲腦。隔著屏山。愛聽銀箏好。唱盡紅鹽人不曉。依稀記  
是蕭郎稿。偷得新聲三兩調。悄學春鶯。脣綻櫻桃小。銀蒜輕搖郎  
到了。和羞吹滅蘭缸早。

前題 送葉

亞字闌于花一朵。每到花朝。春夢偏難妥。女伴相攜爭婀娜。迷藏小  
捉妝樓左。鬢鬟微鬆。蟬翼靜。怕有人窺。輕合黃金鎖。戲罷偎人甚  
初坐。日移交網花陰簾。

前題 困憊

拂曉相逢花弄口。如此天寒。何事清晨走。小院綠熊鋪褥厚。玉梅花  
下交三九。招入繡屏間寫久。斜送橫波。耶莫衣單否。袖裏任郎佔  
寶獸。雕龍手壓描鸞手。

前題 教簫

一帶紅牆剛六幅。忽聽簫聲。欲斷還將續。知是東隣吹鳳竹。邀來教  
弄相思曲。風起落花紅菽菽。香唾猩絨。小印琅玕束。故說玉人吹  
未熟。明朝重到黃金屋。

前題 中簫



年少雙文能勸酒。笑折花枝。今夜爲郎壽。紅燭厭厭籠翠鈕。飲深忘却春宵久。若下烏程春釀厚。却笑佳人。腰似三眠柳。明日綠紗窗外走。手搖屈戌妝成否。

前題

潛來

滿院姊歸啼惻惻。隔著中門。悵望游絲織。訊至方知娘小極。潛來小揭蜻蜓翼。怕響金梯行不得。半晌徘徊。纔到菱花側。立久微聞輕歎息。春陰簾外天如墨。

春閨同周文夏賦

芳草萋萋入脈脈。綠遍東西。不空南和北。滿院春情無氣力。海棠花下捱時刻。惆悵去年逢玉勒。酒市紅橋。此際曾相識。往事不堪重憶得。鐺簫陣陣催寒食。

唐多令

春愁

蟬鬢隔花陰。香肌壓翠衾。風前一笑擲千金。記得那時明月底。剛半線。露丹襟。銀鑰杳沉沉。朱樓阻信音。流鶯啼破綠窗深。清淚未彈紅淚滴。流不了。到如今。

廣陵上巳

板渚柳枝橫。岸樓酒旆輕。舊繁華。猶記燕城。正是穠春逢上巳。多少事。麗人行。年少愛風情。紅粧識姓名。杜紫薇。此地曾經。今日鬢絲真老大。和燕子。語平生。

攤破醜奴兒

紀豔

隔簾按碎相思苜。斜著烏雲。漾著紅巾。嬾嬾婷婷一段春。是耶。難道是。昨宵人。戟門闔却葳蕤鎖。花氣氤氳。月色嶺紛。牆角猶兒吠夜

分。非耶。誰道是。昨宵人。

漁家傲

宣城道上

古木叢柯山逕細。野花斑竹粘天際。蕭瑟擘泓誰可擬。墟烟起。家家  
水驛門斜閉。三秋搖落悲游子。一鞭自裹西風裏。歇馬溪橋人乍  
倚。樵夫指。麻姑大好朝來髻。文律閣本有注。○宣城有麻姑山。

聞西樵方爲京口三山之游却寄

晴日南徐風景異。蒲帆飽趁春濤駛。一片江山千古事。同兒戲。伯符  
志業何曾遂。月下租船人詠史。使君大有凌雲氣。滿目茫茫愁對  
此。橫笛裏。妙高臺下吹新水。

定風波

懷潁川劉公猷。記與茂之。公猷小飲紅橋。幾一年矣。故有此

作。

昨歲行歌古竹西。廣陵三月柳綿飛。誰更扶筇郊外走。林叟。開元遺  
事說依稀。時序飄流鶯又換。春半。風光雖似舊游非。綠到江南清  
潁尾。春水。潺湲好爲寄相思。

醉春風

豔情

月暗蘭缸冥。風細花陰冷。紫茸帳底拍蕭娘。醒、醒、醒。夏夜難逢。幽歡  
可惜。休教酩酊。活火初烹茗。寶篆猶生鼎。紅粧枕畔語檀郎。等、等、  
等。城上人行。籠中鳥喚。如何便肯。

青玉案

詠糟煙

春醒未析三更後。橙片切。蕪絲揉。食品廚娘偏解鬪。滑應凝盃。鬆難

勝齒幾瓣媽紅透。金刀小向霜天剖。越襯出春纖消瘦。捧處紅糟先欲溜。小姬無語。老饕狂叫。把與梅同嗅。

詠油車螯

擊鮮海錯金盤寫。絕稱是春寒夜。輕點吳酸魂已化。和酥爲滷。帶脂成釀。二月花前榨。生平斫鱠兼行炙。枉行遍屠門蟹舍。風味似伊休論價。差宜下酒。雅堪鬪茗。攜向江南詫。

詠醉白蝦

半籠春水溶如鏡。早傾向金盤淨。一片空明嬌掩映。霜暑半啣。雪肌半挺。似帶春醒病。尋常蝦菜空相競。誰解得高陽心性。細憶風姿心自省。十分酒氣。三分生氣。羞與侯鯖並。

隔浦蓮近拍

飲小二吾亭前古梅下

今朝穠春天氣。袞服爲佳耳。人在梅根冷。暗香疎影迢遞。殘內紅生。  
杯中綠汎。小殿宜城驥。消魂死。那人蛾綠。料應玉貌如此。難憑春  
驛。折寄一枝千里。橫笛誰吹東風起。生怕玉鱗。飛著春水。

風入松 第二體

上已後二日洗鉢池汎舟卽亭同亦史山禱賦。

蜻蛉小泊斷橋東。人在橈聲中。水面殘霞飛不定。春波靜。暝翠玲瓏。  
夾岸細桃斑竹。半船淡月微風。紗窗盡摘簾紋融。心事暗惺忪。小  
拂絲揚人語細。春衫碧。恰似新桐。可惜小湓溪上。明朝更與誰同。

聖將小  
別數日

阿時

祝英臺近

詠橘

水濛濛。烟孺孺。紅遍江南樹。小陸懷中。數顆偏憐汝。笑他梅子心酸。

蓮兒心苦。都讓爾、甘芳如許。增悽楚。記得解橘春纖。指冷偎人處。  
一別吳娘。往事渾無據。自從那日傳柑。幾番元夜。總則是、淚珠如雨。  
送入我門來

寄書

香茗才情。替花模樣。斜倚蜜色牋兒。霜毫纔吮。早已淚如絲。楚天樓  
上湘娥倚。奈湘雨湘烟十二時。說與天涯游子。近日慳慳春病。生  
怕難支。爲趁雙魚。無物寄相思。真珠滴向紅綃滿。怕綃滑珠圓難寄  
伊。

紅林擒近

詠佛手柑

芳樹來甌越。名同吳下柑。風調軟橙橘。芳華擅閩嶺。玉人夜涼酒醒。  
怪底薰透紅衫。此際寶鴨休添。香氣十分霽。月底偏濯濯。枕畔故

摻摻佳人笑說。雪山花瓣曾拈。自塵情未斷。佛猶如此。合掌長思伴。  
玉纖。

暮山溪

感舊

碧雲薄暮。豈角誰家奏。深院火熒熒。好風輕。翠幃微皺。冰輪徐上。無  
語掩屏山。金鉤瘦。斂綉透。人在銀燈後。年時小苑。夏夜曾攜手。低  
掃淡黃蛾。漫垂垂。玉人紅袖。如今人去。門巷也依然。紅橋口。香街右。  
一帶青青柳。

天穿節次葛魯卿韻

宋以正月廿三爲天穿節。相傳女媧氏以是日補天。

曉寒側側。繡戶涼如水。燈市火初收。不十日。春暄北里。都城士女。結  
隊踏天穿。珠絡鼓。畫樓旗。漾在東風裏。江南詞客。生長烟花地。可  
惜是穠春。最難忘。夢華遺事。倚闌沼悵。暗裏憶當年。新雨後。板橋西。



那處人家醉。

蕙蘭芳引

詠木瓜花

綠水人家。有一樹、垂垂紅雪。瘦影亞雕闌。啼盡春禽百舌。玉娥睡醒。  
問何處、麝蘭偷泄。恰侍兒報道。枝上名花纔結。記得良人。曾經漬  
粉。去秋時節。數雖有好香。不比此香清絕。那知花朵。一般芳烈。愛清  
芬。莫對傍人輕說。古詩云。良人  
爲廣木瓜粉。

洗鉢池中有贈

客裏無膠。瞥見處、繡簾斜軸。恰暮雨瀟瀟。低唱傷心人曲。相逢却扇。  
板橋西、數枝春竹。正籠中鸚鵡。叫醒一窩紅玉。攜上吳裝。一聲欸  
乃。碧天如沐。愛香藕花輕。偏打向、船窗菽菽。嬌歌妙舞。明眸曼睞。記  
昨宵水色。半城都綠。

早梅芳近

詠玉蝶梅

整偏佳。斜更好。風格那能到。粉臙欲賦。除是多才李清照。亭亭情意厚。嬾嬾腰肢小。正入春陰重。白處粧樓曉。夢無憑。愁不了。從古江南道。天寒日暮。此意惟花堪共表。文犀慵再掠。金鴨羞輕抱。撚梅花。今年驛使杳。

簇水

春雪

有影無聲。小樓一夜堆瓊覆。撒鹽縈絮。舞遍天涯六出。最愛輕輕。軟雅稱紅闥客。遮不住。空青簾翼。春陰積。怪此際。曉寒何重。圍紅獸。偎窗隙。樓前萸管。一任騰騰瑟瑟。且淪鮑家香茗。雪水傾來白。紅日照。消入一池深碧。

步月

本意

小市門東。板橋巷北。暗中瞥見芳姿。明眸膩臉。夜靜漾簾衣。碧柳映、  
幾層衫子。紅蕖露。一輛鞋兒。斜靠著、江梅一樹。剛到半開時。銅駝  
街又做。奈珠屏似水。此恨誰知。弄春纖、香橙代解。迴秋水。羅帕親攜。  
歸去也。一鉤春月水仙祠。

魚遊春水

春陰闌思

盡日香闌悄。纔緜額、東風料峭。可惜紅芳如此。匆匆過了。做暝遙天  
渾似墨。妝陰野水愁難曉。獨對菱花。橫波綠森。惆悵更誰知道。漫  
消受。綠篝煙裊。何日剪破層陰。依然春好。料得蘂砧愁遠泊。也無燈  
火來相照。怪底今宵。黃昏偏早。

宣清

春夜聞雁

春夜紅粧枕。怪賓鴻月底。哀鳴如昨。惹青衫。淚甚時乾。引紅闌。睡何  
會著。記得當初。楚天煙水。碧湘樓閣。攬玉軫。和金徽。自分西風冷落。  
一霎年光。又逢春社。萬里鄉心作。憶森森。蕭關。茫茫沙漠。故園歸  
歟行樂。花柳江南。儘讓他。鶯啼燕掠。

法曲獻仙音

寄嚴覽民、錢寶汾、顧華峯、三舍人。

蜀肆先生。漢家夫子。新謁帝承明殿。最喜金閨。壁人聯轡。吳郡顧榮  
揮扇。更驚聞三珠樹。錢起湘靈怨。人傳徧。思往日。江東婉孌。紅燭  
下。披瑟鳴箏。公議。詎料鳳凰池。三子者。一時妙選。十里珠簾。爭看煞。  
黑頭王掾。只淩雲一賦。揚意何時方薦。

東風齊着力

花朝

春困初濃。春愁難妥。又是花朝。蝦鬚半軸。蛾綠不曾描。記得去年玉  
勒相逢在。絲雨長橋。鞦韆社。繡旗不定。畫鼓頻敲。流水淩迢迢。人  
不見。妝成知爲誰嬌。穠春病酒。雙臉印紅潮。欲借鴛鴦機論恨。回文字。  
帶淚斜挑。腸斷也。百花生日。只是無聊。

絳都春 第一體

詠蛺蝶 從文律  
則本補

誰花佛助。想一縷裙花。做成紅雨。青草如煙。綠水如羅。被陣陣東風。  
吹向晴空舞。又傍平蕪來去。桃花門巷。菜花天氣。輕狂無數。嬌嬈。  
留他不住。更砌眸濛濛。牆頭相相。飄零蕩漾。一春夢裏會如許。料伊  
也爲多情誤。只愁撲蝶圍中。癡憨兒女。



烏絲詞三

長調

滿江紅

長恨詞

啣波青衫。奚不去、白楊荒漠。歎是處、病蘭不笑。瘦琴空削。鄴酒紅來  
心久死。越娘紫去。懷長惡。猛耳酣追憶。玉箋河。鶯流落。東簫展。西  
紉芍。北金谷。南銅雀。只詞流豔豔。供伊談噓。百不憐人游獵賦。一生  
誤我靈光作。向要離塚上。以呼余。余日諾。

前題

日夕此間。以眼淚、洗胭脂面。誰復惜、松螺腳短。不堪君薦。幾帙罵人  
鸚鵡著。半床詛世芙蓉譏。笑嶽崎。俠骨縛青衫。奚其便。曷不向。青

河戰。曷不向青樓宴。問何爲潦倒。青藜筆硯。老大怕逢裘馬輩。顛狂  
合入煙花院。誓從今傅粉上鬚眉。簪歌釧。

前題

腰綵唇朱。渾妝就。腐儒花鬢。堪噴飯。騷腸賦骨也。來帖括。兒輩不關  
詩酒事。乃公偶墮文章劫。看他年百隊。鬪如霞。夔州獵。細千卷。饒  
玄蝶。螺千斛。漂丹竈也。扶風歌彈。陳留花鑪。梘子街前。捐粉盜。鳳凰  
橋下。薰香伎。更偏軍。夜繞甌山城。師常捷。

前題

一畝書齋。白楊樹。今番滿矣。想十載。墨池滋味。不過如此。芍藥風流  
可賜緋。丁香年少宜衣紫。問奚爲蹀躞。鷓鴣裘。無聊子。簫欲哭。紅  
冰璽。琴欲笑。玄霜蕊。歎壓茵。墨寶。命儕歌婢。硯締半車蘭葉鬼。詩掛  
一斛茶花髓也。紅顏絕代。可憐人。因誰死。



前題

白柳黃羊。宛繪出、傷心片幅。酸切處、短霜供爨、古煙供讀。傷弄於君  
何必怒。飄浮似我原堪哭。聽黃陵磯畔、夜深船、淅涼曲。梨園內、絲  
憎肉。田園內、花數粟。更臬麻、謗錦、蕘蔬、譏菊。百隊錢刀、爭作橫、一生  
風雅、單爲僕。倚酒悲、亂擊紫珊瑚、鳴如筑。

詠雪 宮閣

雪洒彤墀。看帝里、風光不惡。恰喜是、銀裝絳灌、瓊雕衛霍。粉掾班中  
年尙少。玉兒宮裏腰初約。更太平、天子坐當中、簾垂著。御溝畔、爭  
寒雀。寶鼎外、山呼却。喜臣心似雪。朕之良藥。瑟瑟六花、籠翠幄。泠泠  
萬點敲金鑰。問鴻行、誰擅郢中才、從頭索。

詠雪 閨閣

連日微陰。梅花外、數聲姑惡。憔悴是、淨持小女。兒家姓霍。春夢晝寒

偏易醒。鬢絲指冷應難約。思沈沈。獨自抱銀箏。人猜著。釵架燕鞋  
幫雀。替處顛移來却。看慘平鴛瓦。鋪明紅藥。沾濕怕汚郎白馬。玲瓏  
不辨奴青鑰。問何時。乾鵲噪香奩。從天索。

又塞外

萬里茫茫。穹廬畔。風狂雪惡。歎當日。漢家蘇武。功高衛霍。超邁南天  
鴻雁信。淒涼北海羝羊約。縱飢來朔雪。亦堪吞。無衣著。傳書犬。脚  
環雀。忠孝事。難忘却。看詩誇同澤。史譏嘗藥。夢到龍樓飄瑞雪。六宮  
夜宴黃金鑰。正醒時。蘆笛起邊愁。風蕭索。

又樓中

六出花飛。側耳聽。金鈴犬惡。正滕六。撒鹽飛絮。繡漫揮霍。纏罷額黃  
簾四捲。妝成蛾綠鉤雙約。任樓頭倚遍玉闌干。難安著。歌竹子。彈  
翎雀。舊時曲。都拋却。悔姮娥清冷。多因偷藥。燒盡深閨紅獸炭。闌殘

別院文鱗鎗。只雪沙漸灑。打空階。秋千索。

又袁宅

四世三公。袁高士。人身不惡。也不羨。東朝田寶。西京金霍。大雪不知  
秦與漢。平生詎習從衡約。笑本初公路亦家駒。爭殘著。穿花蝶。啣  
梅雀。土鏗冷。高軒却。縱蒲輪束帛。誤人之藥。緩足那須東閣被。安心  
自守空山鑰。任門前白盡漢江山。休相索。

又馬上

大獵城南。此年少。王家鎮惡。何況是。姿容比玠。從奴勝霍。帶雪能騎  
千里馬。殺人不受三章約。正射雕時候暮雲平。弓弦著。能逐兔。能  
探雀。揮杯飲。休辭却。向諸君笑語。此非鳩藥。且日醉從屠狗博。昨宵  
怒奪城。門鑰看踈驢。玉色雪中馳。難追索。

又雪中

舉舉師師。正春病、心情小惡。早則是、雪飛寶象、寒生錦霍。無力渾如  
儂樣性，難憑恰似郎邊約。倚銀篝小語，罵輕狂，偏偎著。縈簾蒜，騰  
釵雀斜復整，行還却。好搗殘玉杵，和他面藥。睡眼初睜，驚六出，曲中  
小響倉琅鎗。又平康狎客，喚銀瓶，寒簾索。

又酒家

大雪江天笑萬里，北風作惡，慄只向、屠門大嚼。磨刀霍霍，季布田中  
亡命客。盧家堂後消魂約。正雪深兀坐酒樓中，思量著。車中婦，山  
頭雀，雀恨不了，愁難却。總無如一醉，勝他行藥。小婦且攀紅玉梳，金吾  
漫鎖春城鑰。拍糟床極愛酒家郎，頻呼索。

陳郎以扇索書爲賦一闋父名陳九，曲中老教師。

鐵笛鈿箏，還記得、白頭陳九。曾消受、妓堂絲管，毬場花酒。籍福無雙  
丞相客，善才第一琵琶手。數今朝寒食，草青青，人何有。弱息在佳

兒又玉山皎。瓊枝秀。喜門風不墜。家聲依舊。生子何須李亞子。少年當學王曇首。對君家兩世濕青衫。吾衰醜。

江村夏詠

百頃風潭。鎮日展風漪。入尺。向此處。未妨飲噉。且須琴弈。籬筍細醜。紅縷鼓。吳鹽小。下銀絲。綉待體中脫。復有佳時。哦周易。北垞外。寒雲白。西崦畔。蒼煙積。更水鳥將子。縱橫飛拍。老子難拋白玉塵。少年喜拓黃金戟。總風情輸與牧牛兒。斜陽笛。

又

野水濛濛。掩映處。煙扉三兩。羨門外。黃雲穠穠。麥場如掌。叱叱村頭。驅犢返。瀰瀰江口。又魚往。喜田園四月。不曾閒。人勞攘。嫩晴後。桑陰做。老屋下。田歌漾。更芋區新。薙。鵝羣初放。婆餅焦啼。秧馬活。社公雨。過。纒車響。笑吳儂。原住五湖邊。曾呼長。

又

略徇東頭。有蟹舍、斜連菽市。迨涼處、田夫說餅。風情靡靡。罇飴溜匙。薑韭滑。餛飩膠口。椒橙美。更傳聞櫻筍賤如泥。今年裏。又手舞。揸拳起。鉅面酒。長腰米。想大官廚味。不遇如此。老我田園河射角。笑他仕宦車生耳。蒲湖風剛趁此時來。欣然喜。

又

碧浪初圓。凭水閣、脫巾獨立。誰作伴、數竿籬竹。一甌茗汁。似有聲來。茶磴轉。斷無人處。村春急。正日長撥悶枕書眠。斜川集。槿花上。珠堪吸。萱花底。涼堪裏。看瀟茫一派。雨蓑煙笠。搏黍烏啼勤。又懶。鱗魚風起吹蓬鬣。恰衝泥隣叟。整巾來。芒鞋濕。

又

雨欲成時。聽村北、村南鶯嬌。行樂處、崖門籬束。溪腰樹夾。水剪越羅

吳穀樣。山臨苑。緩倪廷法。任科頭箕踞。受松風。新涼霎。何必學呼  
名鶴。且自荷。隨身鋪。儘一邱一壑。此生寧乏。雲起怒排陣。馬。澗鳴  
冷。試搗等甲。更歸來。滴滴玉蛆聲。糟床壓。

又

丁字畦邊。見一帶。陰陰夏木。扶疎甚。釣絲斜漾。菱絲大熟。鶯暖。鮒魚  
新上市。草香蠶子齊。登簇。喜炊煙一縷。裊江邊。燃湘竹。菱雞唱。溪  
流足。姑惡叫。山光綠。聽樵歌正斷。漁歌又續。泥滑婦愁微雨。鮎。村深  
兒趁朝涼讀。更柳塘吹起。特牛風。波如穀。

又

罨畫銅官。都繚繞。吾廬左右。論生計。蹲鳴一頃。菰蒲百畝。矮屋村扉  
多蘸水。澄潭釣艇斜。依柳。恰月明。漁網截江來。歌銅斗。煙漸斂。籠  
鴉舅。雨又作。鳴鳩婦。正湖風側帽。林花墮酒。戲就攤錢。淮估語。悶思

斫鱸吳娘手。待明朝重榨鬢頭蠶。呼溪友。

又

澤國人家門以外。水田渺渺。無過是。明潭淺瀨。煙蒲風篠。雪浪江帆。喧晝夜。雞頭菱角知多少。泊數行。芰簪忒玲瓏。漁蠻遠。新暑退。蘆塘昏。殘月映。溪堂皎。且榜他碧石。沽來清醪。一雨平湖涼思滿。數聲林笛離情悄。正水雲空闊晚冥冥。沙鷗矯。

又

天水空濛。蘆花內。茆菴一個。長夏裏。溪干乘興。短篷掀簸。十里煙波。鷗世界。半盃茗汁僧功課。更寺門竹翠劇憐人。如何唾。洗鉢罷。苦陰坐。捶琴歇。花關臥。愛粟留聲脆。批把葉大。便住隨師聽浴鼓。再來何日開煙柁。約搓橙剖橘好時光。還重過。時過浣花禪院

又



三伏炎歊吳牛喘，老頭欲裂。詎便少。池荷半畝，山松百尺，赤日紅塵。  
那可耐。哀梨并剪，無從覓。且臨風快讀，劍南詩，傾一石。堂堂處，裝  
何急。咄咄處，人都逼。算功名馬滑，關山梁益。綠髮雙鬢，寒夜擊，白頭  
猛虎霜天射。漸卷終，不覺海風生。冰車善方讀劍南老人集

歲暮渡江，用宋荔裳觀察、曹顧菴太史、王西樵考功、倡和原  
韻。

六幅蒲帆，掠江下，玻璃綠漲。中流處，舉杯遙賀。焦先無恙。一片鄉愁  
殘壘下。五更僧語空於上。喜網來白小，不論錢。漁蟹餉。看蟹舍，沙  
頭漾。聽銅斗，船頭唱。喝岷江有水，速成醇釀。估客使船都似馬。吳兒  
踏浪何須杖。剪燭花，醉眼看魚龍，離奇狀。

舟次潤城，謁程崑崙別駕。

此地孫劉，想萬馬，川騰谷漲。公到日，雄關鐵鎖，東流無恙。上黨地爲

天下春。使君文在先。秦上更縱橫。羽檄氣偏豪。籌兵餉。天上月。波  
心漾。隔江笛。樓頭唱。歎江山如此。可消官釀。側帽高張。臨水宴。掀髯  
勇策登山杖。踞寒崖。拂蘚剔殘碑。猿猴狀。先生重刻焦山志卷餘

懷阮亭

隋帝宮門。楊柳岸。春濃花漲。曾密報。杜家書記。平安無恙。相賞每多  
松石意。此情原在錢刀上。記紅橋。風月六年游。皆君餉。瓜果譙。離  
蘆漾。禪智寺。驪歌唱。任吳霜。鬢裏。漸爲君釀。謾說休文。圍帶減。吾年  
四十。還須杖。夜闌時。夢波帽。簷斜。論詩狀。

聞阮亭罷官之信。並寄西樵。

鼎鼎朱門。滿眼是。膨脝腹漲。誰得似。心情半懶。風情微恙。阿堵考君  
材。最下。孔方阻爾。書難上。算人間。只有芟荷裳。堪相餉。華不注。樵  
風漾。轅固里。蠶娘唱。使漸離和曲。杜康佐釀。才子爲官休亦好。弟應

荷篠兄攜杖。記相人原說使君非。癡肥狀。

乙巳除夕立春

爆竹一聲。吾廬外。千門煙漲。喜今夜。新春殘臘。田園無恙。南國舊游  
稀眼底。西京遺事來心上。記鬬鷄彩燕。廿年前。攔街餉。滄桑換。都  
拋漾。頭顱老。休歌唱。且左燒紅燭。右傾家釀。鬱壘敬斜頭。上帽。神荼  
脫落腰間杖。笑人憐。桃偶。偶憐人。同斯狀。

前題

父念兒耶。珠淚迸。淚流同漲。屈指算。四時作客。三秋抱恙。山左未尋  
周櫟下。廣陵且覓王賒上。乍榴花時節。載愁還。堪誰餉。弱女嫁。羅  
衣漾。諸弟隔。羈鷓唱。又匆匆去買。高郵雪釀。寒夜纔歸陽羨棹。燈前  
擬試金焦杖。向泉台位數一年間。飄零狀。

將爲鄧尉看梅之行。先寄吳中諸子。

二陸三張會轟飲。劍池春漲。吾語女。千年花草。至今無恙。柳絮微風。胥渡口。梨花細雨。泉橋上。自別來。僕病負諸君。尊鱸餉。俵俵甚游。絲漾。芒芒極。雜鶯唱。漸欲寒欲緩。暗將梅釀。我意巾車。還躍馬。君其率。棹兼扶杖。待月明飽玩。萬山巔。橫斜狀。

贈朱亦巖先生先生楚人

波入瀟湘。極望處。楚天碧漲。來領袖。五湖詞賦。齊盟無恙。蕭帝宅。荒葭茨外。昭君村在。秭歸上。羨風騷。兩地仗斯人。從天餉。珠玉走。龍蛇漾。白雪和。幽蘭唱。看江花狼籍。班香醞釀。他日定爲公子繡。此時敬撰先生杖。謝君侯。未面已憐余。疎狂狀。

何明瑞先生筵上作辛巳歲先生在陽羨合巹中拔于童子第一

陽羨書生。記年少。劇於健馬。公一顧。風髯霧鬣。盡居其下。兩院黃廳。佳子弟。三條紅燭。喬聲價。恰思量。已是廿年前。淒涼話。鐵笛叫。南

徐夜。玉山倒。西窗下。且擗蒲六博。彈箏行炙。被酒我思張子布。臨江  
不見甘興霸。只春潮濺雪。白人頭。堪悲咤。

滿庭芳

紀夢

黃入東風。綠來南內。夢中春水玲瓏。箇儂香粉。髣髴也曾經。還是簸  
錢堂上。當年事。有影無形。高樓外。珠圓鶯脆。隔院已聞聲。衷情。渾  
欲訴。新愁點點。舊恨星星。奈一場春夢。不甚分明。此際銀燈耿耿。羅  
衾濕。紅淚如冰。難分手。滿街細雨。愁煞夢回程。

鳳凰臺上憶吹簫

閏六月七日。爲牛女作懊惱詞。

翠鵲橋虛。珠匏路杳。懊儂情思無繆。奈粉河一望。靈匹難招。寄語天  
邊織室。雙鴛杵。織指休拋。停梭怨。金徒箭永。青女粧遙。迢迢。當時

此夜正微寒。麝燈小。鴛龍輕。記衣香鬢影。彷彿今宵。經年離別。依然  
又。淚滴紅綃。差喜是涼秋。不達。准備魂消。

和漱玉詞

蘸水垂楊。漫天絲柳。千條萬緒樓頭。正圓冰清淺。斜靠簾鉤。擬把玉  
容重整。纔勻面。招悵還休。慊慊甚。今春三月。忒似深秋。堪差韶華  
縱好。奈舊情已換。往事難留。只梁間玉剪。勸我登樓。簾押朦朧未捲。  
青山外。不忍凝眸。無過是。蕭蕭春雨。點點離愁。

水調歌頭

被酒與客語

老子半生事。慷慨喜交游。過江王謝子弟。填巷映華驄。曾記獸肥草  
淺。正值風毛雨血。大獵北岡頭。日暮不歸去。霜色冷吳鉤。今老大。  
嗟落拓。轉沈浮。疇昔博徒酒侶。一半葬荒邱。閉置車中新婦。羞縮嚴

家餓隸說着亦堪愁。我爲若起舞。若定解此不。

題余氏女子繡西施浣紗圖爲阮亭賦

婀娜針神女。春晝繡西家。聞道若耶溪上。淥水漾明沙。爲憶吳宮情事。驀地養娘來至。羞臉暈朝霞。忙向屏山畔。背過鬢邊鴉。一春愁。三月雨。滿欄花。西施未嫁。嘗初情緒。記些些。靠著綉床。又想拈著鴛針。又放幽思。紗無涯。一幅鮫綃也。錯認越溪紗。

夏初臨

本意

麥浪接晴槐。陰攔雨。小桃無限思量。九十韶華。誰憐歸去堂堂。屏山做盡簾湘。漸凌波。玉翦飛忙。此時天氣。今年情緒。大抵悵悵。天涯歸旅。熱甚淒涼。慣推中酒。怕說思鄉。江東故苑。正逢櫻筍時光。何日吳裝。傍柳綿。小泊斜陽。倚蟲娘。一春愁病。說與端詳。

入聲甘州

月夜守風江店

對清光一碧。倚江城。獨立怨飄蓬。最惱人懷抱。危檣匝地。殘堞嘗空。  
遙想故園妝閣。擁袖側金蟲。歎息藁砧去。煙水蒙蒙。一派銀濤雪  
浪。蕩青銅鏡底。白雁聲中。料嫦娥清冷。此際與人同。且消停。三更茅  
店。任隔垣紫馬。夜嘶風。消魂也。江愁衛玠。月想王恭。

倦尋芳

早春偶過農部伯父廢園感賦

敗屋東頭。偶然行散。十分情重。滿地苔錢。雨榭煙廊都空。蕪水燕雛  
晴故掠。蔭街絲柳風偏弄。傷情處。是舊家年少。登山一擲。  
孝標姊妹。僧綽兒郎。嬉遊曾共。多少春衫。斜著金鞭閒控。一  
人去早。江南鶯燕成何用。揉此生。綉戶珠簾。付之一夢。



玉人歌

楊枝今歲二十。爲于齋紙上作小詞。

當日事。記陌上青絲。垂垂跪地。拖煙蘸雨。已解藏鴉未。真珠簾額香  
毳墜。做盡輕狂意。影濛濛。紅日三竿。白花十里。水驛飄零子。謝青  
眼相看。縮人征騎。露葉如啼。直得消魂死。如今漸長黃金穗。不在長  
街裏。羨畫樓有主。舞腰同倚。

入節長歡

乙巳元日

淑景驚催。畫梁日影。早漾粧台。曠曠金母帳。激灩玉人杯。宜春帖子  
簪花格。漸闔中。珠網爭開。多少屏搖翠柏。勝處紅梅。長安車騎朝  
正。青絲轡。火城影裏初回。宮闕暖祥雲。嬉遊罷。誰憐江左郵枚。休惆  
悵。喜吳娘。已醉春醅。屈指又。試燈挑菜。城南且拾遺釵。

閨怨無悶

春日見城上遊女甚盛。戲作此詞。

綺陌眠芊。上日妖冶。彌望玉樓金埒。正挑菜年光。繡裙時節。陣陣內  
家車子樣。綃幃吹亂千堆雪。無人處。悄把春纖小揭。都無分別。絡  
繹。碾香塵。鋪玉席。總向子城斜處。女牆鸞裏。惹人憐惜。此際春心愁  
絕。愁九十春光如過隙。那堪輕暝輕寒。朝來想作寒食。

瑣窗寒

昔年樓上

此地當年。蕭娘粧閣。綠窗幽靚。傷春情思。正日暖人微病。撚花枝。情  
近羅衣。眉峯送語。煙難定。掩屏風。六幅看他。額額安黃端正。那更  
人別後。冷落舊妝樓。溫家玉鏡。無端又上。銀蒜零星。還剩。只從前。簫  
局挑笙。看來不似今朝景。便化爲玉藕。重來還認。紅香徑。

花犯

詠白山茶。用周美成梅花韻。

對西風。亭亭一樹。箇儂好風味。和煙和月。也無人憐惜。不勝清麗。水晶簾額深深倚。天寒私自喜。似小玉。夜長無伴。上床鋪粉被。珠窗一層障。疎花似無還有。共人人憔悴。愁煞是。青霜輕墜。記一種。紅顏窈窕。曾開在。三春台榭裏。只薄命。年年流落。秋天涼。著水。

念奴嬌

與任青際飲

乾坤颯颯。且沽將楓葉。細評今昔。笑問幽州今夜雪。可似鷓裘寒色。市上吹簫。橋頭賣醬。淚洒吳楓赤。蘇貂空黑。謝郎今已被賊。不如治葉倡條。青樓白社。磨滅人年月。漚盡并刀悲壯血。看有何人憐惜。白草關河。黃沙唐宋。只對孤鴻說。醉饒三國。周郎江岸千尺。

雲間陳徵君有題余家遠閣一闕。秋日登樓。不勝蔓草零煙之感。因倚聲和之。

得憐堂後。有丹樓飛起。當年爭羨。陽夏門庭能詠絮。那更溪山蔥蒨。帶雨房櫺。和煙簾幙。零亂東湖面。碧闌干裏。有人斜映瓊扇。可惜人去匆匆。而今樓下。秋水帆如箭。老我三吳好男子。綠鬢忽然衰賤。蔓草霜濃。叢祠露悄。白晝鼉鼉現。舍南舍北。亂飛王謝家燕。

題顧螺舟小影

如此佳人是王家養炬。謝家過未。三世貂蟬連北闕。年少東華釋褐。傳粉官前。薰香殿側。顧盼真英發。臨春結綺。舊游似有瓜葛。而今零落堪憐。文園多病。贏得相如渴。滿目關河愁恨極。衰草濃煙塗抹。醉矣堪呵。灰吟可誦。田也供人奪。茫茫哀樂。四條絃子空撥。

緯雲弟三十作此詞。因和其韻。同半雪弟賦。

醉拍闌干。數去者苦多。光陰倏忽。知我平生悲憤事。惟有當頭明月。  
准擬騎鯨。不然射虎。一吐胸中鬱。吳鉤負汝。好將衫袖頻拂。追想  
紅燭呼盧。青樓賭酒。往事推華闕。小季已稱三十歲。何況暮年黃歇。  
斜閣秦箏。橫攤越絕。燒盡爐中拙。憑高遠望。江流一縷如髮。

送子萬弟之睢陽

悲哉秋也。沉登山臨水。黯然欲別。千里長江流。夜月萬里長城空闕。  
白板船開。青楓樹老。極目徒悲切。君歸梁苑。漢家何限陵闕。疇昔  
讓棗推梨。謝家兄弟。才氣人爭說。一夜西風吹蒼莽。吹散封胡過未。  
兄作楚囚。弟成秦贅。枕上鵲啼血。阿龍超甚。教他長誦明發。阿董五弟

小名。時同四弟在棗陽。

龍眠公坐上看諸客大合樂。記丁酉中秋。曾於合肥公青谿  
宅見此。今又將十年矣。援筆填詞。呈龍眠公。并示樓阿太。

邵村侍御與三孝廉。

醉來闌入正司空。筵上一尊腰鼓。老子婆娑牀上坐。矍鑠聽歌似虎。  
一片西風。千堆晝燭。月好清輝苦。回頭往事。青溪舊夢。重作。謝公  
笑問兒郎。此間何處。略記隋堤路。老矣廉頗。猶健飯。莫負紅玄翠羽。  
人在當場。曲逢入破。白髮休予侮。新磨幡綽。世惟公等堪語。

次夜韓樓燈火甚盛。仍聽諸君絃管。復填一闕。

紅燭如山。請四筵滿座。聽儂搗鼓。此日天涯謀作達。事更難於縛虎。  
僕本恨人。公皆健卒。不醉卿何苦。金元院本。月明今夜重作。總是  
狎客南朝。佳人北里。占斷燕城路。好景也知容易散。一別沅鱗羈羽。  
狂受人憎。醉供人罵。老任雞姪侮。揚州燈火。明朝人定傳語。

乙巳中秋。用東坡韻寄廣陵諸舊游。

月明如此。問江山今古。幾多陳迹。誰把桂輪今夜裏。碾破楚天新碧。

玉白無聲。銀河有影。一片清虛國。醉餘莫笑。舊游吾尙歷歷。記得  
杜牧司勳。江湖落拓。曾作揚州客。愛殺打頭天上月。管甚中秋七夕。  
一別。悽然。吾生可惜。塌盡鴟鵬翼。夜云深矣。依稀樓外吹笛。

酬歸德侯仲衡

天陰歲暮。正情如中酒。人初賦別。忽接繁臺書一紙。飛下梁園白雪。  
棹遠傷離。撫今追昔。字字皆辛切。狂歌數闋。唾壺之口都缺。每欲  
窄袖輕衫。穉穉道上。小犯寒風冽。早後弓弦聲霹靂。一片風毛雨血。  
雅願終違。壯遊未果。世事多枝節。中宵輾轉。布衾今夜難熱。

瑤花

秋雨新晴。登遠閣眺望。

青山如黛。綠水如羅。映真珠簾鏡。金闈瑟瑟。正青砧隔院。擣衣纔罷。  
登樓遠望。見一帶。碧雲輕寫。更蕭關征雁。濛濛愁煞。江南此夜。幾

回搔首沈吟。數今日深秋。前朝初夏。流光遞換。問何處更覓。鈿車羅  
帕。傷心故苑。依然似。天涯客舍。對秋風。強舉金樽。又是夕陽西下。

高陽臺

題余氏女子綉高唐神女圖。爲阮亭賦。

巫峽妖姬。章台才子。賦成合斷人腸。綉閣停針。含情想像高唐。渚宮  
舊跡今何在。不分明。水殿雲房。驪蟬鬢。憶著行雲。恰費商量。蘅皋  
暮雨淒涼。只楚天一碧。與夢俱長。霧縠寬衫。幾時重得侍君王。小睡  
紅絨思好事。却剪刀。聲出迴廊。更添些。紅杜青蘋。做出瀟湘。

東風第一枝

詠綠萼梅。和呂聖求韻。

粉界檀腮。煙籠膩頸。玉奴素質輕約。風前乍坼紅鬚。月下低含綠萼。  
一枝水上。也不管。鴛啼燕掠。最憐他。不甚分明。飛破瀟湘白鶴。隔



蟬翼層層都薄。打稷雪、泠泠又落。有情故亞樓頭。無聊自開屋角。日高慵起。慢搖動、綠紗簾箔。看苔錢、色上花枝。碧透何郎官閣。

解語花

詠美人捧茶和王元美韻。

蕃馬屏風。雛鶯庭院。竹下茶聲細。粧樓小倚。闌干外、汲取春流淺試。乳花銀蕊。煙裊上、綠鬟千縷。溜秋波、爐火初紅。儘帶嬌愁意。捧處輕搖蟬髻。問阿誰年少。消受纖指。珠鮮玉脆。語笑處、故惹檀郎驚起。沉香亭畔。只領略、凝酥佳麗。怎如伊、生小江南。偏解旗槍味。

詠美人捧觴和王元美韻。

楚天卵色。吳地鶯聲。惹得愁千斛。春衣慢贖。且泥他粉白。斟來蟻綠。蓮鉤小蹙。行過了。銀屏六曲。彈煙髻、縹色杯輕。帳裏團圓玉。笑顛流蘇影簇。怪伴醒不醒。罰依金谷。玉郎低囑。沉醉也、休作難人題目。

芳心暗逐。羨杯底、鶯鶯同宿。趁花酣、雙抱紅簪。圖取春眠足。

夜合花

爲丁子徑催妝

人柳腰眠。聖檀額注。犢車催下屏風。勝常道罷。腮邊春暈微紅。呼燕  
燕。喚蟲蟲。桂堂西、小著輕容。問伊姓氏。父名鄭季。母號樊通。鶯聲  
夜半玲瓏。多少帳前細咳。爾汝歡儂。今宵夜冷。勸郎文籍休攻。蘭缸  
細。鴨鑪濃。卸花簪。早傍薰籠。羨他大婦。偏憐敬禮。代掩珠櫳。

換巢鶯風

詠燭

暝色初臨。正金荷灼灼。鳳脰沉沉。燒殘終有淚。剪斷豈無心。饒脂注  
得十分深。光翻金粟。影動瓊林。春檠上看帶笑。花開似錦。瘦沈。躡  
蹠甚。曾記華堂。半絨情難禁。金鑰傳時。玉堂薰處。對對紅酥翠心。蓮

燈綬尊上元遊。蘭膏濃挽平康飲。如今絳蠟照人。長是孤寢。

曲遊春

花朝

穠春無限好。正雲剪春羅。水鋪明鏡。滿目紅芳。記淡煙斜日。江南時  
景。紅板橋西路。有萬縷、綠楊拖徑。更憐次第風光。巧鬪吳娘花勝。  
回首天桃露井。憶檀板銀罌。那時偎並。人在花朝。有嬋媚姿格。玲瓏  
情性。自後堂分袂。長則是、如醒似病。可惜憔悴蘭成。淒涼家令。

絳都春 第二體

乙巳元夜

春宵三五。正碧雲合處。冰輪斜挂。暗省年光。漫數韶華。偏沾惹。平生  
舊事。都忘也。難忘是、鳳城鴛瓦。無燈無火。有花有月。偶然吟寫。此  
夜進歡買笑。有天街似水。暗塵隨馬。詎料而今。幾陣東風。譙樓下。吹

去了，香車羅帕。春衣卸，思量如乍。且尋故老開元。月明閒話。

石州慢

憶舊。用高季迪韻。

醉拍雕闌。思憶從前。淚珠頻洒。東陽倦枕，多愁多病，瘦軀堪把。水市津樓，奈他繡被濃香。舊時閒事，偏縈惹。顛倒覓烏絲，檢霜毫細寫。妖冶。此夜蟲蟲，會囑監奴。葦鞋慢下。且趁湘簾，銀燈邀人白打。摘盡銅籤，小婢故惱人行。任他嘶斷門前馬。懊惱後堂前。又年光換也。

玲瓏四犯

月下聞笛

三五良宵，看雲月澄鮮。幽輝盈抱。羈旅無眠，愁思幾番縈繞。滿園春水空濛，映翠竹、枝枝斜裊。恰嘹唳，誰家入破，遙想小樓空悄。因思天寶梨園隊，有金雁、鈿蟬絕妙。更偷把、寧王玉笛，吹徹誰知道。一自

華清人散，繚垣外、閒花野草。歎此生、頭白天涯，再聽伊涼別調。

霓裳中序第一

詠水仙花次尹梅津詠茉莉韻

珠櫛寒粉靨，倦罷銀篝紅獸熱。恰值青霜壓屑。有一種瑤芳，白花翠  
葉。海天皓月，羨玉娥、生長綉闕。斜春渚，竟川含綠。一笑嫣然絕。妙  
絕。頓成離別。長則伴、兒家妝篋。有時墜落簾蕭。看盡人間，多少蜂蝶。  
五銖寒到骨。悵千里、洞庭飛雪。傷情也。舊家何處。悄對素梅說。

憶舊游

寄嘉禾俞右吉、朱子葆、子蓉。

松陵東去路。記水程、煙驛幾多般。鴛鴦湖裏泊。重城燈火，一派潺湲。  
船樓玉人行酒，碧浪寫紅顏。更羃歷丹鱗。綿蒙黛甲，上下哀鴻。十  
年成間別。想怪侶、狂朋。一樣啼斑。縱玉清歸去，怕滿天風露。猶憶人

間。只是南湖柳色。憔悴不堪攀。長望語兒亭。故人爲我且加餐。

齊天樂

暮春風雨

小樓昨夜東風到。吹落滿園空翠。時有茶煙。絕無人影。好箇他鄉天氣。淒涼欲死。見燕剪平蕪。柳拖春水。暗省從前。如塵似夢。最難記。當年曲院寒食。錫香花更煖。許多情事。金斗猶溫。玉釵還響。已送愁人到。此也思寬慰。奈把酒聽歌。幾番不是。暮雨瀟瀟。記吳娘曲子。

水龍吟

江行望秣陵作

輕舟夜剪秋江。西風鱗甲生江面。瓦官閣下。方山亭外。鷺鸞雪片。一帶蔣州。千尋鐵鎖。等閒燒斷。只波間皓月。流光欲下。舊曾照。金陵縣。何處迴颿。擗鼓。更玉笛。數聲哀怨。回思舊事。永嘉南渡。流人何限。

如此江山幾人憐惜。斜陽斷岸。正江南、煙水濛濛。飛盡楚天新雁。

瑞鶴仙

上元和康伯可韻

昔游思後苑。記天上、月圓。人間月半。六街笑聲滿。看火蟻金蘭。春城飛遍。琳宮瓊觀。隨處挂、鰲山燈爛。最銷魂、深巷殘更。小顛門邊雙劍。休羨。無多勝景。有限芳辰。不堪追玩。紅篝熏煖。和衣臥、誰低喚。怪流光一去。鈿車羅帕。吹煞東風不轉。只玉梅、梢上冰輪。依然相見。

鄒程邨母夫人壽

千金今夜直。羨阿母、白髮。珠袍一色。彌觴蓬闥側。有南路、豪家東朝。貴客華騶列戟。向尊前、筮篋醉掌。倩何人、笑問君家。家本難忘易識。猶憶。曾陪董相。聞過鄒陽。讀書騎射。賢哉滌母。截髭親爲置食。看懷清臺畔。夫人城上。無論功名赫奕。只膝前、有子談天。生兒亦得。

南浦

泊舟江口

吳橋曉眺。看隔江、螺髻碧離離。龍虎銷沉無據。往事不勝悲。憶昔曹公飲馬。對江流。橫槩賦新詩。羨二吳人物。伯符公瑾。年少更雄姿。今古茫茫天堦。捲神鴉。日暮舞空祠。多少南朝事業。斷岸矗殘碑。月白估船銅斗唱。西風外。雲水瀰瀰。數多愁洗馬。銷魂偏在渡江時。

氐州第一

秋日懷東皋諸子。用周美成韻。

千片芰荷零亂。簾捲西風。人倚樓小。橫竹泠泠。峭風歷歷。一碧筵天。縹緲非淡非濃。賤水國。村村斜照。中酒心情。欲寒天氣。暗催人老。二十六鱗江上少。奈無限。舊愁繚繞。沙鳥將雛。江鳧傍母。秋水柴門抱。正搓橙時候也。題糕近。龍山歡笑。寫盡吳巖。盼晴空。翠屏都曉。



綺羅香

清明感懷

綠水樓臺。青春院落。又是韶華百五。鶯鶯榆錢。過了匆匆時序。怕今年、玉翦來時。是去年、鈿車停處。最難憑、輕暖輕寒。天涯羈客甚情緒。  
少年此日嬉游。有窺簾綺態。當壚俊侶。一自飄流。冷落天揚門戶。西樓外、幾陣鶯花。北邙上、一堆羊虎。向斜陽、斷碣殘碑。多少橫官路。

初夏連夜於許莊庸仲修席上看諸郎演牡丹亭有作。

許掾多情。清和佳節。連夕嬌歌妙舞。料得眉峯。碧到愁時都聚。記昨宵、銀燵初停。又此夜、紅牙再補。看一羣、燈下諸郎。依稀盡解此情苦。  
獨有江東客。爲家山路遠。倍增悽楚。回首朱門。略記蟲娘庭戶。好院本、全部笙簫。後心情、半生鞦韆。比年時、攜手聽歌。多了黃昏雨。

金盞子

詠燈

一盞紅缸灑。玉膏驚綉。纖處偏凝。春夜照梳頭。蓮篝香。淒清牙蒜犀釘。便教煎盡銀荷。奈芳心耿耿。敲翠竹。悄喚綠翹。簷前蘭燈將暝。喚遍無人應。且獨自纖手。靠粧台。挑鳳脰。宛轉處。重思省。當時風細人靜。曾偎壁帶流蘇。剔銀缸潛等。紅凋冷。空對並蒂燈花。怎生相稱。

永遇樂

京口渡江。用辛稼軒韻。

如此江山。幾人還記。舊爭雄處。北府軍兵。南徐壁壘。浪捲前朝去。驚帆蕪水。崩濤颺雪。不爲愁人少住。歎永嘉。流人無數。神傷只有衛虎。臨風太息。髯奴獅子。年少功名指顧。北拒曹丕。南連劉備。霸業開東路。而今何在。一江燈火。隱隱揚州更鼓。吾老矣。不知京口。酒堪飲否。

烏絲詞四

長調

尉遲杯

別況

春江上。見鷓鴣、濛濛飛碧浪。草間珠露猶垂。岸左紅蘭纔長。東風斜日。小玉門前纔烏榜。正離人、好夢初醒。雙擁紅篝凝想。因念十載漂零。長則在水驛、烟程來往。手把金尊和淚說。枉說是、畫眉張敞。如今便、花開花謝。祇憑得、紅襟梁上講。送郎行。獨凭小樓。檐聲水面搖響。

一 二郎神 第一疊

春寒感懷

烏絲詞四

鉅釘天氣。况是天涯驛旅。招悵類浮萍飄泊。碧波南浦。傷情不語。且檢紅綿燈下看。瞥見了。深閨針線。想當日。執手叮嚀。預料春寒如許。凝佇。沉吟欲著。幾番推去。任春衣紅。藤箱底閣。甘領受。疎風嫩雨。擬向春江傳此意。奈江上。雙魚無據。恨點點楊花。疊疊青山。遮人歸路。

二郎神

詠梅子

一株梅子。正纍纍。粉紅牆後。問葉底枝頭。爲誰酸楚。却又爲誰消瘦。太息春歸誰來問。記不起。鶯花如續。向杏香簾櫳。陰陰院落。伴人長晝。纖手。幾番小摘。已醒殘酒。更撚向粧臺。玉娥低說。曾見依稀如豆。翠已漫空。黃偏做雨。又到傷心時候。算顆顆。冷香鬆脆。想爾料難勝口。

合歡帶

爲吳陵宮掌雷賦催粧詞

羨。排羅燭吐銀牆。燈影背響鳴璫。夾路如花。還似霧。戟門前。步步荀香。劇憐春夜。花融錦瑟。月亞金堂。況畫眉夫婿。清河小弟。杜曲諸郎。紗籠徐引。繡幙斜張。藍橋擣就玄霜。瓊島仙花。偏並蒂。珠簾畔。一朵笙囊。朝來更喜。五銖裙細。百子釵長。問傍人宜稱。何如生憎。喚作宮粧。

花發沁園春

月下布席綠萼梅花下。同友人小飲。

借月爲花。將花做月。濛濛一樹。嫩玉銀梳。春瓊簫。暖夜。值得珍珠。幾斛。冰肌睡足。更掩映。生繪六幅。念月姊。徹夜孤寒。梅妃自小幽獨。花影風搖。簌簌。任春城夜闌。畫鼓頻續。金爐盡處。珠斗斜時。月與

梅花微綠。清輝滿目。揉吹絨、枝枝銀燭。夜深沉、我醉休扶。和月和花同宿。

簾湘逢故人慢

題余氏女子繡柳毅傳書圖爲阮亭賦。

龍綃一幘。有靈芸針線。刺鳳描鸞。秋水漾波瀾。正洞庭歸客。憔悴思還。牧羊龍女。恰相逢。雨賣風鬟。看多少。沙明水碧。一天愁緒漫漫。却又早來橘浦。見兒家綉宮。瑛闕生寒。貴主下雲端。更藉開青玉。瑀映紅盤。海天良夜。論恩情。可似人間。繡到此。料應長歎。眉峯斜蹙。湘山。

送王亦世歸漢陽兼寄懷人。

西風湘楚。正湘竹如啼。湘禽如舞。湘岸飛湘雨。更綠水微波。青山可數。幾幅煙帆。採不盡。白蘋紅杜。想此際。仙令歸艫。一派江山今古。

女娥祠。巴子國。看歷歷。噴川。萋萋芳樹。風外催津鼓。恰人在洞庭。秋  
盈橘浦。官舫瑤琴。總彈破。沙清月苦。情楚塞。白雁同歸。并寄阿戎此  
語。

泛清波摘遍

詠沼內紅魚

吳娘水閣。幾曲金塘。時聽紅魚跳波響。翳然花竹。日高舟尾。浮菰蔣。  
粧臺上。傷春天氣。中酒心情。斜溜明臚。還細相。照水釵傾。投餌鬢偏。  
幾遍惆悵。朝霞漾。寄到啼檝染血。帶得落花鋪絳。愛爾絕代紅粧。  
水雲青曠。渾無恙。嬌鳥籠底。去來。美人影中生長。莫管畫溪笠澤。粘  
天風浪。

擊梧桐

酒闌感賦據文律閣本指

被酒陽狂。當歌慨慷。幾遍雄心飢。蘆中人。竈下養。市南屠狗。城東賣醬。更邀昔日知交。白擲劇飲。披髻抵掌。擊碎唾壺。拍碎胡琴。舊事流波一往。想像衣香。沉吟手粉。十載後堂情狀。燈地後。夢回時。曾否玉人無恙。醉後猛然思省。人生何必定多情。且潦倒。短衣射虎。學藍田李廣。

一萼紅

寒食記事

玉津園。記箇儂門巷。綠水漾。翠窠。社燕低飛。鶯簫輕弄。東風隋柳如絲。正客裏、禁煙天氣。趁流鶯、啼處立多時。蒜押雙搖。藥欄九轉。瞥見師師。十五破瓜年紀。恰梳頭纔了。緇額偏遲。紅玉勾人。碧虛留客。篆煙半裊金猊。魂斷是、瓊闈有縫。進他修竹兩三枝。料爾一春寒側。長倚腰肢。



薄倖

賦得水晶簾下看梳頭

戟門春暖。紅日漾、圓冰清淺。算一帶、茱萸臆網，便是箇儂粧院。素領巾、半幅煙綃，行來剛被微風捲。更點點斜紅，溶溶泓黛，嬌面發勻蓮頰。恰十載傷心事，釵響衣光何限。只玉纖撩鬢，春慈緜額，一番回想腸應斷。風流放誕。記千金豔質，粧成愛映春流看。別來香閣峭冷，尖寒應滿。

風流子

南徐春暮。程崑崙別駕招飲南郊外園亭。同方爾止、孫豹人、談長益、鄒程邨、何雍南、程千一賦。

來時寒食近，且近耳，誰料竟殘春。正僕本多愁，何妨作達，官如不醉，遮莫傷神。見此際、酒旗斜喚客，榆葉弱繫人。燕子風前，是何言語，柳

條煙裏。別樣腰身。名園行樂處。追歡笑。何限寶馬香輪。況遇風流  
刺史。瀟灑遺民。奈東望蔣州。春潮拍拍。北來瓜堵。暮雨紛紛。還怕當  
歌對酒。忽又沾巾。

翠樓吟

席上贈伎。時伎三日後。卽落樂籍。

銀甲推箏。珠條絡鼓。清歌屈柘如縷。人到離筵裏。儘眉黛。愁將碧聚。  
縱橫玉筍。似綠柳縈烟。紅蘭著露。歛雁柱。一場春夢。沒些情緒。他  
日縱過侯門。只光延坊畔。櫻桃一樹。奈銅輿催上。更慘遍。一街絲雨。  
橫波重注。看斜側帽簷。銷魂無語。紅蠟底。新官舊主。一般胡覩。

小梅花

感事括古語。做賀東山體。

君莫喜。羊叔子。何如銅雀臺前伎。拍檀槽。橫寶刀。屠門大嚼亦足以。

自豪。人生有情淚沾臆。雖壽松喬竟何益。捋黃鬚。眺五湖。如此江山  
應出孫伯符。傷心史。可憐子。卿復何爲爾。大江東。一帆風。來往行  
人閒。坐說文宗。連昌宮中滿宮竹。白項老烏啼上屋。穆提婆。蕭摩訶。  
且自吾爲楚舞若楚歌。

前題

咸陽樹。驪山路。可憐當日作事誤。殷仲文。王衛軍。國家此輩要是可  
惜人。憶君清淚如鉛水。奴見大家心亦死。令壺甌。收中吾。聊且酒酣  
耳熱歌鳴鳴。莫襟衿。行學估。羞與噲等伍。金屈卮。揚叛兒。阿奴今  
日不減向子期。生子當如李亞子。奴價今年大勝婢。敲朱丹。作高官。  
未若小樓吹徹玉笙寒。

女冠子

詠美人坐禪和彭羨門原韻

蕭蕭禪榻。百和旃檀薰透。花冠啼罷。烏龍睡熟。紫竹清幽。黃被瘦。小  
袒緋羅袖。雙疊湘裙。紅吐花邊一綫。最憐他。跌坐揚笙。一派秋江綠  
皺。靈山參破風幡後。奈十年前事。終向心頭有。佳人不偶。記惜玉  
情懷。竊香時候。迺文消風垢。正值鐘聲報午。苔陰移晷。問籠中。白雪  
衣。一卷名經。完否。

洞庭春色

甲辰除夕。懷西樵司勳。阮亭主客。

歸去來兮。鬪雞走狗。閭巷沉浮。數臣之壯也。如人何事。身將隱矣。于  
世焉求。四十男兒。悲老大。笑那便。車前少入關。填胸事。看人奴。答罵  
一半封侯。回首風塵萍梗。怪年來。長傍迷樓。記廣陵風景。青山綠  
水。瑯琊兄弟。長史司州。名士終朝能妄語。更頭後。杯中笑不休。紅燭  
夜。對故園椒酒。想爾風流。

玉山枕

詠白鸚鵡

小院清麗。蜻蜓翼空如水。揚花門戶。梨花院落。風漾金籠。躡蹻不止。雪衣蒼眸。誦迦文。恰生小。怕施朱翠。有玉奴。夢醒無慘。撚瓊杖。向月中調戲。尉佗臺上當年事。心兒內。重提起。拋家離井。好風良夜。腸斷二年。魂消萬里。從來薄命玉容人。也只是。飄零如此。倩銀鴉。問訊珠娘。素馨花。想此時開矣。白鸚鵡來自嶺南故云

沁園春

廣陵客邸送緯雲弟之歸德

客裏送行。蕭疏樓頭。且盡一杯。正節近清明。柳絲漸長。時逢上巳。燕子將來。兄往淮陰。弟游河北。兩地翻飛立馬催。斜陽外。見各天鴻雁。顧影徘徊。市樓轟飲如雷。笑我輩。豈常貧賤哉。奈花驄將離。爾心

欲碎地名蕪苑。我賦偏哀。此去睢陽。也知懷古。有日經過古吹臺。還應問。有兔園上客。狗肆奇才。

山東劉孔集招飲廣陵酒家。係故郭石公宅。

魯國劉生。笑賣寶鞭。攜上糟邱。更一時意氣。徐陵袁紹。六朝才調。綠幘紅鞵。如此人生。奈何不樂。況值離鷄叫暮秋。憑闌望。見風廊水榭。丹漆雕鏤。當年此地風流。記畫戟門開。溝水頭。羨羊侃侍兒。彎弓貼地。李波小妹。走馬當樓。蔓草斜陽。空圍絲雨。爭說汾陽郭細侯。還長嘯。只眼中花月。誰似揚州。

冒天季五十書贈

慷慨悲歌。旁若無人。進君一觴。更四絃入破。聲哀以思。三更被酒。臣醒而狂。末路崎嶇。舊游零落。哀樂縱橫。不可當。生平事。曾短衣匹馬。錦瑟紅牆。歲華一去堂堂。又半百。蹉跎黯自傷。歎醉必沾襟。是兒

可念飛而食肉。此志難忘。人道買臣。今年富貴。路鬼揶揄笑一場。重酌酒。看玉山筵上。今夜頽唐。

泊舟惠山看六朝松井良巖石

昔歲我來。乘白羊車。著紫鼠裘。愛支離者叟。霜皮黛甲。玲瓏者丈。雁蕩龍湫。王謝家兒。宣和遺老。爾正愁時。我亦愁。曾經過。看累朝興廢。百代王侯。別來歲月如流。歎赴壑。修蛇掣不休。又風吹雨溜。幾場兒戲。藤纏薜蝕。一樣蜂蟻。石豈能言。樹猶如此。何怪書生竟白頭。重來到。吹一聲鐵笛。叫破孤秋。

爲泗洲謝震生廣文題影兼送其之任山陽

我愛先生。其冷者官。其熱者腸。羨康樂宣城。君之家世。鑿珠浮磬。此是家鄉。人道馬曹。我知魚樂。昔藉堆盤。也不妨。吳綾上。問傳神阿堵。何物長康。纔成半闕淒涼。忽念爾。將離騎自傷。記淡月微風。曾經

批抹好花新茗。相與平章。此去淮陰。古多惡少。我欲來游醉幾場。君  
求我在韓侯臺下。漂母祠旁。

入歸

二月十一夜。風月甚佳。過水繪園聽諸郎絃管燈下。因遣家  
信。凄然不成一字。賦此以寄閨人。

彈得絃清。飄來笛脆。曲室諸郎歌管。他鄉風月佳無比。只是中年以  
後。心情頓嬾。遙憶故園粧閣上。鎮玉臂。雲鬟淒斷。傷心處。何事尊前。  
聽一聲河滿。却是絳河欲浹。珠繩乍轉。畫角譙樓哀怨。舊事如塵。  
新愁似夢。可惜一場分散。奈天涯滋味。瞞不過。南歸魚雁。吮霜毫。纔  
提還倦。莫慮春寒。羅襟紅淚。煖。

摸魚兒

家善百自崇川來。小飲冒巢民先生堂中。聞白生璧雙亦在



河下喜甚。數使趣之。須臾。白生抱琵琶至。撥絃按拍。宛轉作陳隋數弄。頓爾至致。余也悲從中來。併不自知其何以故也。別後寒燈孤館。雨聲蕭械。漫賦此詞。時漏已下四鼓矣。

是誰家。本師絕藝。檀槽掐得如許。半樽遲送無情物。惹我傷今弔古。君何苦。君不見。青衫已是人遲暮。江東煙樹。縱不聽琵琶。也應難覓。珠淚曾乾去。淒然也。恰似秋宵掩泣。燈前一對兒女。忽然涼瓦颯然飛。千歲老狐人語。渾無據。君不見。澄心結綺皆塵土。兩家後主。爲一兩三聲。也會聽得。撇却家山去。

賀新郎

雲郎合悉。爲賦此詞。

小酌除醪釀。喜今朝。釵光篋影。燈前濕漾。隔着屏風。喧笑語。報道雀翹初上。又悄把。檀奴偷相。撲朔難雄。渾不辨。但臨風。私取春弓量。送

爾去揭鴛帳。六年孤館相依傍。最難忘、紅粧枕畔、淚花輕颺。了爾  
一生花燭事。宛轉婦隨夫唱。努力做、藁砧模樣。只我羅衾渾似鐵。擁  
桃笙、難得紗窗亮。休爲我、再惆悵。

賀阮亭二十

牛馬江東走。陪滿座、鄰枝上客。爲君稱壽。七葉貂蟬連鳳闕。坐擁銀  
箏翠袖。又兄弟、才雄八斗。三十王郎年正少。恰黃金、鑄印雙懸肘。此  
意氣、古無有。淡黃十里隋堤柳。更多少、竹西歌吹。樊川詩酒。滿目  
關山原不惡。只是繁華非舊。算惟有、文章不朽。簌簌珠簾人不捲。看  
使君、燈火春城口。依稀羨、歐陽守。

瓜步與姜子書

佛狸祠下別。看此處、江花如練。江煙似織。憶昔結交堅戴笠。江左周  
郎英發。正爛醉、金釵之側。宋玉右之計倪甫草俱大俠。更潁川、年少

風流客。仰天嘯。冠纓絕。十年往事同陳蹟。恰傳聞。洛陽金盞。襟腸  
嶽急。一旦二桃疑盡釋。廣柳車中人出。又買得。如花小妾。送客驚心  
千萬里。但銷魂。此際真愁絕。吾自有。蒯通舌。

甲辰廣陵中秋小飲孫豹人既堂歸歌示阮亭。

把酒狂歌起。正天上。琉璃萬頃。月華如水。下有長江流不盡。多少殘  
山剩壘。誰說道。英雄竟死。一聽素琴人已醉。恨月明。恰照吾衰矣。城  
樓點。打不止。當年此夜吳趨裏。有無數。紅牙金縷。明眸皓齒。笑作  
鎮西鸚鵡舞。眼底何知程李。詎今日。一寒至此。明月無情蟬鬢去。且  
五湖。歸伴魚竿耳。知我者。阮亭子。

月夜看梅花

皓魄光微淡。喜東風。瓊枝璧月。清輝冪冪。顧影娉婷無一語。吳女纖  
腰初束。斜倚在。珠闌曲曲。看到夜深風露冷。浸簷前。一片團圓玉。吾

醉矣。共花宿。愁腸被酒。還相觸。且狂歌。莫言與盡。再斟醺醺。忽憶  
開元當日事。中有梅妃。蛾綠。何必羨。玉奴新俗。可惜樓東二十樹。雨  
淋鈴。都做連昌竹。花應歎。睡難足。

乙巳端午寄友。用劉潛夫韻。

醉凭闌干吐。倚清狂。橫陳冰簟。後堂無暑。聞道吳兒。工作劇。弔屈龍  
舟似虎。我欲唱。公乎無渡。纍自沉湘。脚底急。枉教人。搥碎迴颿鼓。楚  
江畔。葦花舞。陡然塊壘。多如許。喚靈均。前來共語。酌君椒醕。呵壁  
荒唐。何必問。死累人間角黍。尙不及。伍胥濤怒。忽發狂言。驚滿座。料  
諸公。知我心中苦。酒醒後。重懷古。

爲冒君苗催粧

遲日嬌鶯。噀。簸輕風。半欄芍藥。參差人面。珠絡流蘇。屏壓角。十里龍  
綃微捲。料好夢。一春曾選。節近菖蒲。喧笑語。借五絲。先做同心纏。畫

梁上乳雙燕。笙歌沸處蓮籌轉。剪銀燈、紅酥檀暈。暗窺韓掾。小弟  
陸家工贈婦。春蠶花箋蟠徧。何況是、丹青能擅。百種煙巒俱易畫。遠  
山眉、第一須慈蔭。看小試、君苗硯。

夏雲峯第二體

夏雨

楚簾生波。湘簾著水。夏淺勝春時候。豆棚底、心清小惡。棟花外、年光  
空運。記二春、帽影花香。漫細數疎狂。未居人後。奈六幅蒲帆。歸吳雖  
健。却又愁如中酒。况是梅天絲雨。儘按藍野水。點來都縹。一生  
事。秧車催去。四月景、蠶房擗就。倚小樓、看盡吳田。只漠漠、陰陰。不堪  
回首。且白練、裙綠苔錢。閒寫小詞懷友。

引駕行

東旣庭

全吳館內。破楚門邊。十年事。記冶遊作使。與卿並倚吳閫。清狂。簾前  
璧月。橋頭畫鼓。鈿轅吟遊閒。公子紅燭銀箏。醉玉溫香。平康。況曾經  
邂逅。批把巷口。掃眉娘。想那日。妖燒喚馬。藥欄微雨。碧城涼。難忘。  
無端一別。腰身瘦盡東陽。奈曉風殘月。夢回酒醒。往事微茫。堂堂。問  
江東士女。塗轍誰令我輩妨。料章華才子。也應點兩鬢吳霜。

蘭陵王

春恨

香腮托。人與梨花俱弱。東風外。斜壓香衾。瘦損瀟湘遠山角。鏡鸞空  
掩却。愁覩玉肌減削。又不是。中酒傷春。盡日沉吟倚粧閣。唾花裙  
上落。奈紫棧纔溫。紅綿正薄。水晶簾額輕寒絡。更陣陣春雨。慊慊殘  
日。小樓欲睡那便著。且自漱春酌。飄泊。舊時約。只柳綿花絮。年年  
如昨。綠徧平蕪天又各。念馬嘶門外。聽來常錯。清明寒食。無限恨。燕

子覺。

十二時

偶憶

綿繖二月如酥雨。做出銷魂天氣。更獨客冷清清地。拆則向、紅篝倚。  
燈炮香焦。天寒酒醒。往事難提起。想那日、元夜迷藏。袂日軟纏。人在  
綠楊絲裏。更當初、戟門嬉戲。一部煙花狀。記簾畔分釵。屏間惜曲。  
無限慊慊意。便海棠月上。夜深誰放花睡。奈幾年、飄零羈旅。已隔  
千山萬水。昨歲銅街。記曾一見。隱隱草金車子。恰柳花如夢。又早香  
輪過矣。

大酺

七夕坐客大合樂復賦

歷歷銀靄簾外落。又是一番節序。今宵停寶杼。正南部煙花。西風牛

女端正窺簾。輕狂換盡。多少良儔俊侶。有白髮何哉。青春張緒。流商刻羽。漸露濕瓜筵。月穿針孔。紗幮無暑。醉搖梔子樹。是鬱金堂後。西偏路。誰知道。三生杜牧。前度劉郎。重來還到聽歌處。鈿盒一朝分。記不起。長生私語。算此際。情偏苦。離多會少。豈獨天邊河鼓。客且歌。完金縷。

多麗仄韻體

題余氏女子繡陳思洛神圖爲阮亭賦

問多情。今古誰堪。雄長也。無如曹家天子。西陵臺上。虛帳更傳聞。東阿子建。少年情緒。駘蕩水上明珠。波間翠羽。洛神一賦。神飛魂愴。只一事。家王薄行。難對中郎將。恐他日。黃鬚兒子。亦起非望。又剪出。輕雲態度。繡成流雪情狀。數香闌。一雙纖手。比似文心。誰喻亮。便使當年。袁家新婦。自臨明鏡圖。嬌樣也。還怕傳神阿堵。宛轉須相讓。凝



眸處。婀娜華容。千秋無恙。

前調平韻體

爲李雲田周少君寶鏡題坐月浣花園

暖紅篝。月輪斜挂。粧樓恰雅稱。香闈心性。下階小試蓮鉤。好風篩。窗  
紗影碎。涼露浸。簾幪紋流。裙帶微飄。玉奴私語。人生易值此宵不。何  
况是。楚天巫峽。李處婦人嬌娥別種清幽。羨此夜。月光人面。端正溫柔。  
漸滿砌。玲瓏紅藥。如啼欲睡疑羞。情輕綃。秋棠宜盥。央小玉。夜合  
將收。更與傳言。月波堪。恁莫問銀牀玉井頭。想像處。花前人月。永夜  
費凝眸。還只怕。畫圖難肖。掃管增愁。

箇儂原名六箇楊升菴易今名

孫坦夫招飲女史澹容家分賦。

轉辨蓮巷左。見梵字。粉紅牆角恰直箇儂。曉粧勻面藥。花冠嚳嚳。正

蟬窗象格。西風輕颺。有碧桐花落。裏紉秀鬢工調。誰人是雙文。藝精六博。種種玉纖花弱。喜宿醒微折。春心猶惡。酒狂如昨。但人生行樂。此際秋娘。最憐輕薄。樽前况有韓嫣。碧雲天。偷擲鸞簫低學。更主是多才孫綽。平康巷。膝席分曹。滿座雄談馬消。囑金吾莫收更鑰。別來時。斜倚朱闌口。偶然思著。

丙午元夕雨

聽今宵疎雨。也算做、一年元夕。舊事流波。一往如何竟。香街馬跡。記當年燈市。鞭絲帽影。有許多相識。闌珊燈火梅精立。雅淡衣裳。輕盈姿格。人月同時一色。便旁人也道。此是秦虢。萍蹤頓隔。怕舊時李益。昔日君平。無人憐惜。蒼前點點滴。似替人流淚。學人悽惻。拚此去。花朝寒食。都只向、雨雨風風。趁盡春光九十。紅篝擁。夜寒側側。擬此情、并春柑傳與。何由寄得。

夜半樂

春夜觀小伶演葛衣劇在百華故事也

當時江左才調樂安任昉。風麗推無偶。記驃騎陪軒。祕書把袖。青宮  
好士。朱門結客。更聞出入宮輦。翱翔苑囿。奈玉樹。人世偏難久。諸郎  
憔悴至此。西華東里。南容北叟。慢細數平生。密親懿友。葛屨誰嗟。練  
裙疇惜。可憐野鮮。動輪門。稀演酒。想此事。將毋古今有。閱此不覺。  
滿瀉瓊舟。狂斟玉斗。我論絕交。君信否。倘然疑。君再聽。當筵紅豆。算  
蘭簿。何必籌身後。清歌且喜簾垂繡。

六州歌頭

弔溝懷古

江東愁客。隋苑暗經行。鶯語滑。游絲細。夾衣輕。正清明。追憶當年此  
際。樓臺外。歌響醉。棠梨樹。垂楊渚。玉簫聲。一自風煙滿目。傷心煞。

水綠山青。看江都雖好。舊跡已飄零。憔悴蘭成。意難平。念寄奴去。黃奴老。今古事。可憐生。回頭望。隔江是。石頭城。草縱橫。樓船南下日。君王醉。未曾醒。官車出。晚鴉鳴。使人驚。惟有一江春水。依稀似。舊日盈盈。想參軍鮑照。欲賦不勝情。此恨曾經。

小諾臯

夏雨

密灑修梧。輕敲疎竹。一雨碧天如此。正日長亭院無膠。鞦人徙倚。滿目煙潭草閣。多少紅蘭白芷。更明珠瀉向。荷錢容裔。極浦沉沉。前汀瀟瀟。又小樓玉簫和雨。吹入愁人心裏。無限事。思量起。此際凭闌。幾回推枕。總是故園千里。忘不了。冰簟生寒。玉釵着水。風景而今依舊。無奈鬢絲不似。揀流落。楚尾吳頭而已。今夜樓中。明朝篷底。便簾湘。宋玉悲秋。未必此情堪比。天欲暮。雨不止。

寶鼎現

甲辰元夕後一日。次康伯可韻。

是歲元夜月食

星橋未鎖。火樹仍放。風光清綺。渾不散。游童白馬。雜杏笙簫鬪寶砌。  
香奩昨。又夜情思。整笑看。蘭釭結蕊。漸耿耿。金波萬頃。一派天街似  
水。昨夜辜負無眠意。枉費盡。描朱刷翠。問天上。素娥因甚。杳若秦  
樓嬴女。吹倚桂樹。盼廣寒草腴。無質霧迷三里。元宵夜。一鉤殘月。仄  
在碧雲堆裏。幸值今宵。重輪現。泰階重履。只鄰枝漸老。何日宸游  
陪侍。趁良夜向春城醉。醉語如花伎。數光景。好處難圓。月也與人無  
二。

怨朱絃

寄淄川畢載積使君

憶水嬉。天氣鮮新。蘭葉離離。燕子紛紛。賣錫時候。韶光妖冶。撩人樂

游原上。平康曲裏。舞衫歌扇如雲。更廣陵水色。半是堆藍。半是拖銀。  
樓上珠軒九曲。船上湘簾四面。一樣無塵。還爭羨。綠楊低處。刺史留  
賓。正吳娘。細膽紅鱗。玉簫作使。繡箏橫陳。小史菱花。妖童荷葉。宜  
笑宜嗔。嬌歌一曲。美酒千巡。忽見夕陽零亂。且隨著。裊裊金鞭。隱隱  
香輪。早辦兩行燈火。留待參差歸騎。同入城闈。奈此日。依稀記省。事  
已前春。

二二臺

春景用万俟雅言清明原韻

又紅闌掛殘斜月。香塵鑊完微雨。整飛蟬。一望碧虛前。見皎鏡溶溶  
南浦。風光汎。漸蕙垂楊縷。三春景。如花似霧。鞦韆社。淡日濃煙。蹴鞠  
隊。繁等急鼓。料鳳城。鈿車寶轂。不住紛紛來去。喚桂子。小玉報花香。  
日暖與。隔牆隣女。踏青須。結伴東郊路。看多少。繡簾珠戶。喜今日。

階院晴絲。怕明朝、一庭落絮。更杜宇、喚取春老。榆錢壓將春暮。憶去年、元夜玩燈時。曾立在、火闌珊處。轉盼又、星橋燃蠟炬。鬧蛾兒、紅樓紫府。休沾惹、竊玉聞愁。且安排、尋香公務。

拋毬樂

詠美人蹴鞠

聞道凝粧多暇。蟬鬢嬌嬈。勻面纔了。鉅額初竟。纖纖眉嫵。蕪畫鼓、翠羽低飛。墨香闌。紅襟新乳。正好作劇尋歡。小疊魚箋。遍約嬉春女。向暖日紅樓。商量細數。氤氳粉澤。喧闐笑語。算白打歌。纏和格五。總然無意緒。且水晶簾畔。斜穿鞠域。相邀同去。此際綽約。輕盈。嬌花百朵。瓊枝一樹。寶釵鬆。羅襪小。爭漾絳綃窮袴。玉醉花欹。吹亂紅巾幾縷。一泓香雪。臨風慢舞。髣髴似、凌瓊閨絮。更香毬將墜。最憐小玉多能。傍觀凌波微步。漸蹴罷。春蔥扶鬢影。嬌喘渾無語。小換輕容。滿身

紅雨。

稍遍

詠彈箏

何處放嬌。研羅裙上。一寸銷魂地。倚桃笙。恰恰罷梳頭。正是慊慊天  
氣。上青樓。輕攏鬢。乍捱纖筍。萬種情如水。正搭定。鮫綃。粒完義甲。  
十二鈿蟬櫛比。對玉荷。清影顛瓊枝。又小語。流鶯上柳絲。慢撚斜櫛。  
鬢。髻衫偏。那人情味。似秋夜。楚天急雨。彈入空罈裏。鼓神絃。含商  
嚼徵。盡伶俐。拍碎棠梨。唱殘紅豆。一雙玉剪低還起。印粉痕圓。凝愁  
聲重。碧到眉峯無際。怪窗前。敲敲落紅輕墜。見十五。檀奴綠窗西。要  
竊聽。曲中私意。不覺閣住銀箏。婉轉等身世。種玉前緣。簸錢舊事。脈  
脈縈牽不已。家鄉。秦隴幾時歸。此曲可憐猶在耳。

戚氏



東程邨文友

想當年。黃公盧畔興翻。盤馬雕龍。春風門巷。威紹蟬。有鄒陽董相。一時賞譽重琅玕。略記旗亭遊處。都相似。爾我周旋。自許上流人。稱名士。終朝。踴臂繫牽。更兒呼德祖。弟畜灌夫。意氣無前。憶唱綠幘金丸。風流放誕。並坐響鵲紋。髣髴是。巷名金線。暮號紅蓮。回中下杜。油壁雕鞍。曾經墜粉遺鈿。狂奴減未。癡人死未。詭厲語亦相憐。分攜成舊雨。酒闌追省。一往淒然。同學少年。雖健。奈酒徒。散盡不堪言。道政坊頭。延秋門外。憶了千千。莫論窺簾映柱。人何限。都分付。碎雨零煙。念故人一樣艱難。總蕭瑟。江南庾子山。寫瑤琴怨。我彈未了。又怕君彈。

鶯啼序

春日遊平山堂卽事

三月雷塘口。多少遊絲浴鷺。正激鬢。文殼初平。金牕種滿芳樹。屏幕  
津樓斜蘸水。軟韃春院聞吹絮。喜夾衣初試。艇子一雙搖去。陣陣  
鬢絲。層層簾影。齊問平山渡。隔船紗。裊裊亭亭。影落綠波深處。照菱  
花。水面明珠。唱竹枝。風前詩句。又東園。芍藥纔紅。金鈴爭護。蘭橈  
小攏。看遠徑。落花。漾塵微步。漸鋪遍。點鮪。玉笋飛航。春纖拂素。紅子  
低敲。青梅小摘。欄干却立頻回顧。暮地見。玉鉤斜下路。傷今弔古。黯  
然。偷往橫波。此處是隋皇墓。幾番招悵。流水東風。往事渾無據。且  
趁江流正滑。好放蜻蛉。慢搖執扇。重歌金縷。暝翠將沉。船頭欲轉。茶  
黃。樽子紅橋下。妬遊童。寶馬將人覩。可憐此際歸來。兩岸榆錢。一天  
絲雨。

東方圖書館重慶分館



分類號數...# 813.2...

7522

登錄號數...I. 446...

中華民國二十七年五月初版

(82202-3)

國學基  
本叢書  
烏絲詞一冊

每冊實價國幣貳角  
外埠酌加運費區費

撰者 陳維崧

發行人 王雲五  
長沙南正路

印刷所 商務印書館  
長沙南正路

發行所 商務印書館  
各埠

